

DANIEL

Danieljiniji Pohuatasano

**Nabucodonosor jiyatasacari
quioosano Judiiocuaca Babilonia
tiacajiniara**

1 ¹Jeruseleen tiacajinia, Joaquimri tari shocotejoquiaari jiuujianraca marijia puetunu narta Judiiocuaca camarnu na quishacari. Jiyacaritij, tahue Babilonia jiyajinijinio camarnuuri na soldadohuata Judiiocuaca tiaca Jeruseleen tiuquitiaquiaari. Cuno camarnuuri Nabucodonosor jiyanishano tahue quijia. ²Jiyacaritij, Pueyasojua-naari Joaquim shanacuquiaari cuno Nabucodonosor morojonura nojuaja na Babilonia jiyajinia na jiyatasocoriquianohua. Jiyacarijuhuaj, cuno Nabucodonosorni, nojuajaari Pueyaso Secojoua tiaco tiuquiquiaari. Queraatia Pueyaso Secojoua tiaco cooshano orojiniji shipinishano casami juutequiaariiri. Cuno Nabucodonosorri naa morojonucuaca queraatia Judiiocuaca jiyataquiaariuhua na Babilonia jiyajiniahua. Saniniuujia, Pueyaso Secojoua tiacoji na shooshano orojiniji shipinijiosano casami niojoquiaari tama na pueyasohua na jiyanishano tiacoori. ³Na nuhuaji puetunu na tiaco poonijionaa jiyaniijia-rano na jiyatesano Aspenaz jiyanishano sequereeri:

—Miji quiria quia saquiriojore cuno Israel pueyajinijinio camarucua niquiohua, jiyaniijianucua tojishano niquiohuajuhua. ⁴Puetunu cuno mashiquiorijianaa cuaara quiiria mashiquiori maniniu tojetaarucujanaa, maja sesaruhujori najuhuanaj. Cuno pojori cuaara quiiria cararaatia miyaquijiaca, niishijiacajuhua. Cuaara quiquioora noojiajinia pueyano niishirijosano niishijia. Cuaara quiquioora puetunu jiyanhua jiyajeneta niishishoo casaa niishijiacajuhuanaj. Jiyano mashiquiori jaara quiritij, nojoriiri niya cua tiaco poonijionuuriquiano. Cuno mashiquiori cuaara niishitiojosaaria pa rupaa. Cuaara niishitiojosaaria puetunu pa Caldeo nequesoreetunecajinia naajiojanaa. Cunoori maninia na niishijia nojori quiniuria.

Aspenazri na camarnu Nabucodonosor sequesano miiquiaari.

⁵Naajuhua, cuno Nabucodonosorni, nojuajaari nera poonijiona seerataquiaari puetunu cuno mashiquiorijanaa. Cuno nera poonijiona sequereeri cuno mashiquiori cuaara mianuutesaaria nerano sumatuucuacajiniji. Cuaara raatojosaaria na ratusano vinojinijijuhua. Cuno na seru nera poonijiona sequereeariuhua, nojuaja

cuaara puetunu cuno mashiquiorijanaa niishitiojora puetunu Caldeo niishishanojanaa jiuujianraca marijiara. Naa jiuujianraca marijia cuno mashiquiori niishitiojosaanu nuhuajitij, naacua cutaratej nojoriiri tari na naata poonijionu camarnu jiyaco.

**Daniel narta mashiquiori
quishacari camarnu tiaco**

⁶Puetunu cuno mashiquiori maanujinijanaani, tii quiriqiaari cuatro mashiquiori supuetana Israel niyanu Judaa niquiohuacuajinio supueno. Nioori nojori sesaca: Janiya Daniel, Ananias, Misael, Azariiasnio. ⁷Cuno Aspenaz jiyanihanoni, nojuajaari puetunu camarnu tiaco poonijionaa narta taucuaca nujuanuna quijia. Nojuajaari canaa Judiiocuaca mashiquiori sesaca jataniquiaari tama nojori Caldeo rupaajiniaaja. Beltsasarta cua jiyaniquiriiri. Ananias jiyaniquiriiri Sadrac. Misael jiyaniquiriiri Mesac. Azariias jiyaniquiriiri Abed-negoo. ⁸Jiyacaritij, janiyari tama niishiriojoquiaarijaanijia: Canaa quiniucua Pueyaso saquiriojosa-no Judiiocuacani, canaara majaari maninia na quiniu quiriqiaa canaa miaquenura tariucua canaa pueresano casaa. Tahuejinia canaa quishacari, canaari canaa pueretusano casaa miaqueriquiano quiriqiaa juucuan. Naacuatej, janiyari camarnujuana tiaco poonijionaa pueya nujuanuna sequereeni:

—Maja canaacua shuniujiuniuujia canaa mianuutesaanura camarnurano sumatuucucacajiniji. Majaari canaa ratunu paniniu na raruhuaca vinojinijjuhuaj.

⁹Pueyaso naacunuucua canaaniqui, camarnu tiaco poonijionaa nujuanunaari cua maniniucuaquiaari.

¹⁰Saniniuujia, cuno tahueri naa cua sequereequij:

—Janiya cua camarnu puereyacujua. Nojuajanaacuajaari cua seeratarucuaa niajaniyani maninia cua miatenura niajaniya. Naacuatej, niaa jaara masecore, niaa jaara tiijiquiorejuhuaj, cunoori maja maninia. Saniniuujia, taquiya niaacuaji maninia miaano niarta mashiquiorijinijinio jaara querasapirijua quiricueaa, jaara naataniquiacatohua quirijjuhuaj, cunoori jiyanhua puereeta quiriaaja. Camarnujuana jaara naa nia niquiritij, nojuajaari naacua cua motenutaniyacujua. Janiya jaara naa miishaareni, cunoori niaara cua miiniucua nia sequesano.

¹¹Naacuatej janiyari canaa miateriquianota pocoojoreeni. Cunoori camarnu tiaco narta taucuaca nujuanamitiniacuaja. Nojuajaari canaa miatenacuaja, janiya, Ananias, Misael, Asariiasnio. Janiyari naa sequere cuno tahueni:

¹²—Jiyaniijanaa, quiaritia nio canaa quia jiyaraajia sequesano quia tojiricua-ra quenaaja. Canaa quia saniri. Diez juuca canaa quia mianuutere saa miasano jaamasucuaaja, canaa ratusocoriquiano mohuacajaajanio. ¹³Naa saa cunojua canaa miaquejosacari jaara tari canaa shocojore diez juuca, quiajaniyajanaacua canaa jiquioco niatare taa canaa niquishiyani. Jiyacari-tij, quiaari niishiniutianiya teyonu canaa maanuteja socua maninia quia quiarani; canaa Judiiio mashiquiori maanu, camarnurano sumatuucucacajiniji miaquejonaa mashiquiori soj. Naa quia miiniu nuhuajitij, quiocua canaara miiri taa canaa jiquioco quia niatareecujani.

¹⁴Cuno tahue, janiya, cuarta mashiquioritaja na seeratasaaquiaarini, nojuajaari cua sequesano tojiquiaari.

Naacuatej, naa diez juuca canaa sanirii mianuutenu canaa panishanoori.

¹⁵Cuno diez juuca shocojonu nuhuaji, canaari saa maniniushiquiaarjiani.

Canaari saa maninia

niqutiariquiaaani. Canaari tojetaaru-cuajanaa saminiucua quiriquiaani, cumaacaracajaajanio. Canaata quiniaa taucuaca mashiquiori saniniuujia,

camarnu sumatuucuaajiniji

mianuutesaaquiaaritiij, nojoriiri

maseyoturujua quiriquiaacujua,

tiyaniquiacatohuajuhuj. ¹⁶Naacuatej,

cuno tahue canaa seeratasaaquiaari

canaa miateriquianoni, nojuajaari

janiya, Ananiias, Misael, Asariias cariji

patootarohua canaa pueresano

sumatuucua. Saniniuujia saaja

nataacuaca miaquesano jaamasucua

niojotaja canaa cariiri.

¹⁷Pueyasoori janiya, cuarta

mashiquiori niqutioquiaari niishitiaja.

Naacuatej, canaari puetunu cuno

taucuaca nequesoreetujinia niishitiojo-

sanojuanaa maninia na niishijiacara

quiquiaarini. Naajuhuj, janiyari maatia

niishiquiaari puetunu pueyajanaa

Pueyaso niqutishano nojori niishitiajaji-

nia nojori maquenujiniajaniuhuj.

Naacuatej janiyari pueyara

caminiuiujiani casaa Pueyaso tonu

paniriquiaa miriqui nojorini. ¹⁸Jiyacari-

tij, jaara juhuaquequiaari camarnu

sequesano juuca puetunu

mashiquiorjanaa jiyatasaanura nocua,

cuno tiaco poonijionaa pueya

nujanuna taheri puetunu canaajanaa

jiyataquiaari camarnuucua.

¹⁹Camarnuuri puetunu canaatajanaa

pocoorejoree. Puetunu canaa mashiquiori

maanujinijiniojuanaanij, majaari socua

tamasaca jiyanhua niishijiacara

mashiquiori quiniu quiriquiaa juhua

janiyaja, Ananiias, Misael, Azariiasnio.

Naa jiyanhua niishijiacara canaa

quiniucuatej, camarnuuri canaa

jiyateree na naacuna canaa quiniuria.

²⁰Pueyaracaanu camarnu nequesoreesa-

cari canaa jiyanhua jiyajeneta

casaajiniji, canaa cuatro Judiocuaca

mashiquiorini, canaari jiyanhua socua

niishijiacara quiriquiaani puetunu

camarnu tojishano niishijiacajiniji

puetunu na jiitiasano jiyacajinijinio,

puetunu na tojishano

shimiacurijinijijanaajuhuj. ²¹Janiyari

naacua camarnu jiyaco jateequiaarini tii

cua poonijionura. Janiyari naa tii

jateequiaarini Ciro jiyanishano tahue

cuaara coteequiaari cuno jiya camarnu

na quiniurijaatijia.

Puereeta Nabucodonosor maquiyojosanojiniji pohuatasano

2 ¹Querajaa marijia jaara tari
shocojoriquiaa camarnu

Nabucodonosor quishacari Babilonia

jiyajinia, jiyacaritij nojuajaari puereeta

maquiyoyoquiaari. Jiyanhua tacaatiaree

na maquiyojosanoori. Naacuatej, majaari

niucuaqueya na maquenu quijia. ²Jiyacari

socua jiiquiooteree puetunu nio pueyaja-

naari: joneneya cumaacata jiyajeneta casaa

mijijiojuaca, casapueraca niishijiacara,

shimiacuri, jiyanhua niishijiacanio. Naa

nio pojori jiiquiootequiaari na jiyanisha-

cari nojori naasucua niishiniutianiya casaa

na maquiyojosano tonu paniya nojuajani.

Naacuatej, puetunu nio niishijiacara narta

taucuacajanaa camarnuucua

tiuquinitiasaaquiaari. ³Jiyacari naa nojori

sequeerei:

—Puereeta maquiyojorucuaanijia.

Janiyari naacua jiyanhua tacayani.

Jiyanhua jiaatiaa cua maquiyojosano

niishiniu paniniuucuanijia casaama cua

torenoj.

⁴Puetunu cuno niishijiacajanaa naa

camarnu sequeturee tama nojori

Arameo rupaajiniajaaja:

—Canaa camarnu cuaara pueyaracaa-nu jiiriataara. Quiarijia nio puetunu quia seyajanaanij, canaa quia pohuatara quia maquiyojosano. Canaari saniniuujia quia tonutaniya quia maquiyojosanojinijini.

⁵Camarnuuri saa naa cuno pojori riucuareejaa:

—Maninia cua tojitiuri. Nia niishirijuhua, niaa jaara quiarijia tama niishirijiaaja casaa cua maquiyojorucuaanij, cunoori maninia quiria. Naajuhua, quiria quiarijia nia caminiujiutiuri casaa cua maquiyojosano tonu paniya janiyani. Naajuhua, niaa jaara quiria caminiujiutiuyaquiri cua maquiyojosano, janiyari juhua casuhua nia cashacureetenutaniyani. Nia tiacacaari tojetaarucujanaa niyarequetasocoriquianojuhua.

⁶Saniniuujia, niaa jaara tama niishirijiaaja casaa cua maquiyojorucuaani, cunoori maninia. Naajuhua, janiyari timiniutianiyani niaa jaara cua toture cua maquiyojosanojiniji. Naacuatej, janiyari cua jiitiasanojiniji nareja nia niquitiojnutaniyani. Naajuhua, janiyari nia masesano miiniutianiya niaarani. Janiyari nia jiyateriquiano parta taucuaca tojishocoriquianojaniuhua. Quiarijianij, cua pohuatature casaa cua maquiyojorucuaani, casaa na tonu paniya janiyajanojoni.

⁷Jiyacaritij, cuno niishijiacaari socua naa pacuteturohua camarnu riucuanutej:

—Camarnunaa, canaa quia pohuatarecuaraja quia maquiyojosano. Canaari naacua niishiniutianiya cutara quia maquiyojosanojinijini canaa tonura quiajaniyatej.

⁸Camarnuuri saa naa juaariijia:

—Janiyacuaajaari nia niishiyani. Niaari quiarijia sapuenu tarishiniujijajaara cua

niishiniu panishano nia caminiujiuniuria quiria. Niaari naa cua miyaquij nia niishishacari janiyacuaajaari nia sequereepuecoonuni. ⁹Nia saniriquiacuara quenaajateni. Niaa jaara quiarijia cua maquiyojosano cua pohuatatiuyaquiri, puetunu niajanijajanaari puecoosocoriquiano. Niaaquiiri tonujutooree, naaratej taa cua niataa niajanianijia. Niaari saa cua sequesano pataaja. Niaari tama nia niishiriojosanojaaja nia sajonota najuhuaana mariyateyacayaquij. ¿Niaateeri naacua jiyaniyaquij, janiyari nia puecoonu tarinitianutaniyani? Nia sequeyacuaajanijia, ritia cua pohuatature cua maquiyojosano. Janiyari naacua niishiniutianiyani nia naatacuaajaari cua maquenujinia cua niquishano cua totunujuhua, casaa na tonu paniya janiyajanojoni.

¹⁰Puetunu niishijiaca taucuacajanaari naa camarnu riucuaureequij:

—Camarnunaa, puetunu mijiria nio jiyajiniajanaanij, majaari quenaaja niquiriyatu pueyano quiniu na tonura quia niishiniu panishano. Nio quia niishirijuhua camarnunaa, tariucuacaa-nu quiocuaji quijiaca cumaacaraca camarnucuaari maja jiyano jiyajenuta casaa na nequesotanu quijia. Nio pojoriiri jiyacari juucua quijiacacuaaja: joneneja cumaacaraca quijiaca, casapueraca niishijiacajuhua, jyanohua niishijiacanio. ¹¹Cuno quiarijia quia niishiniu panishanoni camarnunaa, cunoori tojetaarucujanaa jiyajeneta. Majaari quenaaja niquiriyatu pueyano quiniu quia niishiniu panishano na pohuatanura quiara. Saaja pa niishishoo pueyasohua cutaraari na naata cutara. Noo juhuarij, nojoriiri maja mijiria na quiniu pueya tajaniani.

¹²Jiyacaritij, camarnuuri jyanohua najiquirii. Naacuatej jyanijianucuaara

jiyatesano narta tahue seerataree na puecoonura puetunu Babilonia tiacajinia niishijiacajanaa. ¹³Puetunu cuno tiacajinia quijiacajanaa jaara tari numotejotasaaquiaari puetunu cuno niishijiacajanaari puecoosanutaniya, jiyacaritij janiya, cuarta Judiiocuaca mashiquiorijaajanio, canaari puecooso-coriquiano pajesareejaniuhua.

**Daniel pohuatasacari casaa
Nabucodonosor maquijojosano
tonu paniriquiaani**

¹⁴Jiyacaritij, niishijia cua quiniuucua, janiyari jacaria pocoojoree Arioc jiyanihanotani. Nojuajaari camarnu cojuanuucua na nujuanuna quijia. Cuno Ariocri tari quera coteeriquiaa juucua puetunu cuno niishijiacajanaa puecoonu. ¹⁵Janiyari jiyacari naa na nequesotareeni.

—iAriocnaa! ¿Casaara pa camarnu ritiuniya pueranij, naa ritia puetunu niishijiacajanaa na puecoonuraniquitij?

Ariocri jiyacari maatia cua pohuataree casaara naa camarnu puecootenu paniriquiaa puetunu niishijiaa canaajanaani. ¹⁶Naacuatej, janiyari camarnuta cua pocoojonura nocua tiuquiquiaarini. Janiyari naa na sequereeni:

—Camarnunaa, rupaquijia cua tarishitirijiaara maja ritia canaa puecootenu. Janiyari quia maquenujinia quia niquishano quia tacaatiasano quia pohuatanutaniyani, naajuhua, casaa quia maquenujinia quia niquishano tonu paniya quiajaniyani.

¹⁷Cua tiuquishacariuhua cua tiajinia, janiyari Ananias, Misael, Azarias pohuatasuhua puetunujuanaani.

¹⁸Janiyari cua cojiniaa sequereeni nojori naacunura masenu jiya cajiniocua quijia Pueyaso, Pueyaso tonura canaa camarnu niishiniu panishano na

maqueyjojosanojiniji, maja canaa cojiritiasaanura puecoonu Babilonia tiacajininio niishijiacata. ¹⁹Cuno niucuajanj, Pueyasojuanaari cua niquitirii cuno camarnu maquijojosano na tacaatiariquiaani. Naacuatej, janiyari jiyanoehua cua timiniutia jiya cajiniocua quijia Pueyaso maniniuhuaqueetareeni. ²⁰Janiyari naa Pueyaso sequereeni:

—Cua Pueyaso cuaara pueyaracaanu timitiasaaria. Puetunu pueyano niishitiajajanaari na niishitiajacuaja. Pueyano cumaacaari na cumaacajuhua.

²¹Nojuajaari tacareejonu jatanijia shuniyara, saniniuujia shuniya jatanijia tacareejonurajaariuhua. Naajuhua, nojuajaari jiya camarnura jiyateja cana na paniyacuajani. Jaara na maniniucuasoo quiri, na samiritiajajaariuhua. Niishijiaa niquitiojua niishitiajajaariuhua. Naajuhua, niishijia na quiniuucua, nojuajaari niishitiaja niquitiojua niishijiaa, socua niishijiaa nojori quiniuria. ²²Nojuajaari tojetaarucujanaa juhua queronijinia quiyano niishishoo casaa tonujujua. Jiyasohua niishishano casaa pa tonujujuaariuhua. Naajuhua, ninishi-qui quiyano niquishoo casaa pa tonujujuaariuhua. Nojuajaari naa miijiatej, tojetaarucujanaa cuhuashiqui quijia na quiniuucua. ²³Quiajaniya, cua supuetanaa Pueyasonaa, quiaari niishijiaa cua jiyaterucuaa, cumueecajuhua. Naacuatej, janiyari quiarijia quia paacarashootiuyani. Janiyari naacua quia maniniuhuaqueetaajuhua. Quiaari quiarijia cua niquitirii noo casaa, teyonuucua canaa maseriquiaa quiajaniyacujani. Quiaari quiarijia canaa toree noo casaa camarnu na tacaatiaquiaa na niishiniu paniniu juucuatej.

²⁴Na nuhuaji, janiyari Arioccua quiaquiaarini nata cua pocojonura. Camarnucujajaari cuno Arioc seerata-quiaari na puecoonura puetunu Babilonia tiacajinijinio niishijacajanaa. Janiyari naa sequeree cuno tahutej:

—Maja senota puecoonu niishijiaca pueya. Quiarijianij cua jiyataare pa camarnuucua. Janiya quiarijia nera pohuatanutaniya casaa na maquenujinia na niquishano na tacaatiasano sequenu paniyani.

²⁵Ariocri ritia cua jiyataquiaari camarnu Nabucodonosorcua. Ariocri naa camarnu sequeseequij:

—Janiyari niyarano quioosano Judiiocuacajinijinio niquiriyatu niishijia riuriatareeni. Nojuajaari quia maquenujinia quia niquishanojiniji quia pohuatanutaniya.

²⁶Tii, tahuejinia canaa quishacari, janiyari Beltsasarta jiyaniquishaaquiaarini. Naacuatej camarnuuri naa cua nequesotareequij:

—Beltsasarnaa, ¿seetanujuanaa quia naataree cua maquenujinia cua niquishano pohuatanu quiriani? ¿Naajuhuj, quia naataree niishiniujuhuj casaa cua maquenujinia cua niquishano tonu paniya janiyani?

²⁷Janiyari camarnu riuquareeni:

—Mijiria nio jiyajinianij, majaari quenaaja niquiriyatu pueyano quiniu quia niishiniu panishano na pohuatanura quiajaniya. Naajuhuj, quiaa jaara nio pojori nequesoreere; niishijiaca, casapueraca niishijiaca, joneneya cumaacaraca niishijiacajuhuj, riy a serojonuucua niishijiacanio, puetunu cuno pojorijianaari maja na naata pohuatanu quiniutianiya quia niishiniu panishano quia maquiyojosanojiniji.

²⁸Cua camarnunaa, saaja niquiriyatu Pueyasojuanaa cutaraari jiya cajiniocua quiya. Nojuajaari pa niishiyaquishoo

casaa pa tojua. Quiarijiani, nojuacuajaa-ri quia tonu paniya taa nio jiya quiniutianiya pa rishiniu nuhuajini. Quiarijia quiaa pohuatারেera quia maquenujinia quia niquishano, noojuhuj, quia tacaashacari quia niquishanotej. ²⁹Jiyacaritij, cua camarnunaa, quiaari quia matujinia mariquiaa. Quiaari jiyacari niishiriojori-quiaa ta pa rishiniu nuhuaji nio jiya quiniutianiyacuaanij. Mijiria pa niishishoo casaa niishijia cutaraari jiyacari quia niquitirii cuno quiaa na niishiniuucua tacayani. ³⁰Nojuacuajaaari quia niquishano cua niquitiriijuhuaj. Majaari jiyaniniu janiyari cuno niquitishaareejaniuhuj socua niishijia cua quiniuucua parta pueyajiniji. Janiyari cuno niquitishaarucuaa cutarani, cua camarnura cua caminiujiushocoriquiano casaa cuno quia maquiyojosano tonu paniya quiajaniyanij. Naacuatej cua camarnunaa, quiaari quiarijia niishiniutianiya tama quioojiajinia quia niishiriojosanojaaja.

³¹Nioori quia maquenujinia quia niquishano: Quia tacoji nujuacanuari jiyanhua puereetuca casaa juhua pueyanorano quejasanojua. Shacantuucaari quiriquiaa. Tojetaarucujanaa puereeta niquishanoori quiriquiaajuhuj. ³²Na nacaari jiyareta saa orojua quiriquiaa. Puetunu na jiriquiajanaari na numatucutajata plata quiriquiaajuhuj. Puetunu na saracajanaari na ruhuajacucutajata bronze quiriquiaa. ³³Naajuhuj, na majeenacucua na saasuhutajani, hierroori quiriquiaa. Na niohuacacaari saniniuujia hierro quiriquiaa marauta cojitishano. ³⁴Quiaari shitimia na shootiariquiaa, cua camarnunaa. Canashiyaquiji tuhuananujiniji, saajaari tamajaaja rupatequee. Cuno juhua

pueyanorano quejasano nujuaano niohuacacaacia cuteseeri. Tojetaarucua-janaa na jacanojoreeri. ³⁵Jiyacaritij, puetunu cuno hierrojananaa, marau, bronce, plata, oronio, jiyanohua jacanaajeree tojetaarucuaajanaari, naatej, taa jaaruusa namajaaca paaquioquiaacuaatej. Naacuatej, paratuuri na piyarojoree tojetaarucuaajanaa. Majaari quenaaja na shiriniyujua manu quiqui na nuhuaji. Saniniuujia, cuno saajia juhua pueyanorano quejasano nujuaano jacanojorucuaani, cuno saajiaari jiyanohua puereetuca tuhuananura jataquee. Puetunu nio jiyajanaa pueturiquiaari.

³⁶Cua camarnunaa, nioori quia maquiyojosano janiya quiaara na pohuatareeni. Quiarijia saniniuujia, quiaara pohuatareera casaa naa quia maquiyojosano tonu paniya quiajaniyani. ³⁷Cua camarnunaa, quiaari camarnu-juanaa cutara puetunu tamasa camarucuaajinijijanaa. Naacuatej, jiya cajiniocua quijia Pueyasocuaajari puetunu jiyacajinia quijiaca pueya jiitianara quia jiyatequiaari. Quiaari quia cumaaca tojitiquiaa puetunu quia jiitiasano pueyajanaa. Quiaari jiyanohua cumaacaraca. Quiaari cumueeca, tojishanojuhuaj. ³⁸Naacuatej, quiaari puetunu jiyacajinia quijiaca pueya jiitiana, nacujiniaaco quijiaca jiitianajuhua, puetunu jaacuatujuaa jiitianajanaanio. Quia niishiri; Pueyasojuaari quia jiyatequiaari naa puetunu cuno casaajanaa jiitiana quia quiniuria-tej. Naacuatej cuno puereeta casaa naca saa orojua quia niquishanoni, quiaacua-jaari nojuaja. ³⁹Quia nuhuaji, quia niti quiriquiano tamonu camarnuni, nojuajaari cumaacaraca quiriquianojuhuaj. Maja cutaraari cumaaca na jiitianu quiniutianiya juhua quia cumaacaja. Cuno nuhuaji socua tamonu

camarnuuri supenuutianiya cumaacaraca cutara. Cunoori juhua quia maquenujini quia niquishano bronceja. Naacuatej, nojuajaari puetunu jiyacajinijanaa quijiaca tojitiriquiano na cumaaca. ⁴⁰Naa cuno jiuujianraca camarucua nuhuajitij, socua tamonu camarnuuri supenuutianiya. Nojuacua-jaari noo hierro quia maquenujini quia niquishanotej. Naa jiyanohua cumueeca juhua hierro na quiniucuatej, nojuajaari tamasa camarucuaajiniji socua cumueeca quiriquiano. Naacuatej, hierroori narta cumueeca casaa cocuaseja. Na jacanaajojuajaariuhua. Naa jiyanohua cumaacaraca cuno camarnu quiniucuatej, nojuajaari puetunu narta camarucuaajanaa miaquejoriquiano.

⁴¹Cua camarnunaa, quia maquenujini quia niquishano niohuaca quia niishirijuhua. Cuno niohuacaari marauta hierrota cojitiquia quiquianu, na nacatucua naajuhua. Cuno marauri nareja cuno hierro cumaquiriquiano cojitishano quiriquiaa taa quia niquiriucuaacuaajano. Naacuatej marauta cojitishano cuno hierro quiniucua, querajaa maanura raquiritariquianoori. Naacuatej noojiaqueyari maja cumaacaraca quiriquiano. ⁴²Naajuhua, niohuaca nacatucua quia niquishanoni, marau hierrota cojitiquia quiriquiaari. Cunoori quia niishiniuria cuno camarnuuri noojiaqueya juucua naataja cumueeca quiniutianiya. ⁴³Cua camarnunaa, naatej taa quia maquenujini quia niquiriucuaa cuno cumueeca hierro cojitishano marautacuaajanij, cunoori quia niishiniuria, tamonu jiyacajinijinio camarucuaari cojitiniutianiya. Tama nojorijaarajia naa cojitiniutianiyaquij, necohua camitioonuucua narta camarcuata. Naajaa, nojoriiri maja seetanu-

juanaa jatiqui quiriquiano, naatej, hierrocuaani majaari seetanujuanaa marauta na naata cojitiini. ⁴⁴Naa cuno camarucua jiitiasacari puetunu tiqiyocuaa jiyacajinia nojori pueyatej, jiya cajiniocua quijia Pueyasoori saniniuuja jiyacari tamonu camarnujuanaa nianutaniya mijiria. Nojuajaari pueyaracaanu rishiriquiano cutara. Na paraa jaara na miaquejonu paniri, shocotaaquishoo quiriquianoori, shaajayaquishoojuhuaj. Tamonu jiyajinijinio jaara nocua quejare miaquejonu, najuhuana nocua saneriquianoori juhua na nujuatariquianoja. Nojuajaari saniya nojori puecajoriquiano miaquejonu puetunujuanaa. Naa na paraa na miaquejonu nuhuajitij, camarnujuanaa na quiniucua tama nojuajaarija pueyaracaanu rishiriquiano cutara. ⁴⁵Cua camarnunaa, quia maquenujinia quia niquishano noo saajiatej, cunocua-jaari seetanujuanaa cua pohuatasano quiajaniya. Cuno saajiari tamajaaja canashiyaquiji tuhuananujiniji rupateno. Jiyocua cuteseeri. Puetunu nio jacanojoreejanaari: hierro, bronce, marau, platajuhuaj, orojaajanio. Pueyasojuaanaacuaajaari tari quia numooteree, camarnunaa, taa nionihuaji nio jiya quiniutianiyani. Quia maquenujinia quia niquishanoori seetanujuanaa. Naacuatej, quia cua caminiujiushanoori tojetaarucujanaa seetanujuaanaajuhuaj.

⁴⁶Jiyacaritij, camarnu Nabucodonosorri cucuara mojuquetaree na timitianuucua janiya. Jiyocuara jacamareejaariuhuaj. Na jiniji rupueterree jiyocuaari. Nera poonijionaa pueya sequereeejaariuhuaj, seya cuaara puecoosaaria quiria. Nera poonijionaa sequereeejaariuhuaj shanohua jaanujua naana riyaca cuaara catijiasaaria

quiriajuhuaj. ⁴⁷Na nuhuaji naa cua sequereeri:

—Nia Pueyasooquiiri seetanujuanaa Pueyasojuaanaa cutara tama canaa pueyasohuara canaa jiyatesano pueyasohuajiniji. Nojuajaari puetunu mijiria camarucujanaa camarnu. Niishishoo casaa tojuajaariuhuaj. Naacuatej quiaari cuno niishishoo casaa niquitishaarucuaa quia tonura janiya.

⁴⁸Naacuatej, cuno Babilonia jiyajinijinio camarunuuri maninia cua miiquiaari. Queraatia na jiitiasano casamijinijinio nareja cua niquitiojoquiaariiri. Naajuhuaj, puetunu Babilonia jiya camarnurajanaa cua jiyatequiaariiri. Janiyari puetunu cuno Babilonia jiyajinijinio niishijiaca tuacuaca camarnu quiriquiano jiyatesaaquiaarijaniuhuaj.

⁴⁹Janiyari cuarta mashiquiori Judiiocuacara masequiaarijaniuhuaj nojori cuaara jaarajaaja cuata cojiritiasaaria camarucua nojori quiniuraju-huaj. Naacuatej, Nabucodonosorri Sadrac, Mesac, Abed-negoo jiyatequiaari Babilonia jiya jiyaniijianucua nojori quiniuria. Janiya saniniuuja, janiyari Nabucodonosor shuriucua jateequiaari tii poonijioriquianoni.

**Camarnu sequesacari na
shipinitishano casaa cuaara
maniniuhuaqueetasaaria
juhua Pueyasojua**

3 ¹Tamacari, Nabucodonosorri orojiniji shipinitiquiaari casaa juhua pueyano niquishanoja. Treinta metro quijiaari na jiyaconaja. Na queraquiiri tres metro quijia saniniuuja. Nabucodonosorri nera poonijionaa sequequiaari cuno casaa cuaara nujuatesaaria Babilonia jiyajinia, Dura jiyanishano jamatujinia. ²Cuno casaa shipinishaanu nuhuaji, Nabucodonosorri

puetunu nio pojori masuunujutequiaari: puetunu nera jiyaca jiitianaa jiyaniijia-nucua, puetunu na soldadohua jiyaniijianucua, nera jiitianaa shiirijiaa tiacacajinijinio jiyaniijianucua, naajuhuj, nera nacasunaa pueya, puetunu nera cumaneeca cojuanaa jiyaniijianucuaajuhuj; nio pojorijuhuj: nujuatejosocoriquiano pueya nequeso-reenaa, tamaquiicua camarucuarano jiya jiyaniijia jiyatesano pueyano, puetunu tiquiyocua jiyacajinijinio jiyaniijianucuaajanio.

Nabucodonosorri naa puetunu nio taucuacajanaa masuunujutequiaari nojori maniniuhuaqueetatanura juhua Pueyasojua na shipinitishano casaa.

³Puetunu tii quiniaajanaari cuno orojiniji shipinishano taccoji rerejoquiaari na maniniuhuaqueetanura cuno casaa. ⁴Noo pueyano teyonutucujaja pueya numooteriquiano seeratasaaquiaarini, nojuajaari na rupaa paaretaquiaari puetunu tii quiniaajanaa tojitianura. Naa nacareeri:

—Puetunu tiacacajinijinio pueyanaa, puetunu jiyacajinijiniojuhuj, puetunu tamaatia rupaaca pocuajaca pueyajanaano, nia tojiri. ⁵Niaa jaara tojiri trompeta jonenenu, naajua jonenenu, ciitara taquinionu, lira taquinionu, salterio taquinionu, gaita jonenenunio, puetunu niajanijayanaacua jiyacari mojuquetacore nia maniniuhuaqueetanura orojiniji shipinishano casaa, teyonu camarnu Nabucodonosor jeecaterucuaacujani. ⁶Niya quiniaa pueyajinijinio jaara mojuquetaconu paniyaquiri na maniniuhuaqueetanura nio shipinishano casaa, cuno pojoriiri quiarijiaa quejoosocoriquiano nojoriicujiniao riuriotaca noshiyano mani quiquiojinia.

⁷Naacuatej, puetunu tii quiniaa pueyajanaa jaara tojiqiaari

jonenenuusano casaa, taquinionuusano casaajuhuj, puetunujuanaari cuno orojiniji shipinishano casaacuara mojuquetacodiaari na maniniuhuaqueetatanura.

⁸Jiyacaritij, noojiaqueya Caldeo jiyaniishano taucuacajinijinioori cuarta jiuujianraca Judiiocuaca mashiquioriicuaa saquiriojotaquiaari. Naa saquiriojotatuquiaari camarnu Nabucodonosorri: ⁹—Canaa camarnunaa, pueyaracaanu quia rishitiriquianij. Quia sesa cuaara pueyaracaanu niishishaariquia. ¹⁰Canaa camarnunaa, quiaacuajaari puetunu niya quiniaajanaa numootetere nojori jaara tojiri jonenenuusano casaa, taquinionuusano casaajuhuj, puetunujuanaa cuaara mojuquetacora na maniniuhuaqueetanura orojiniji shipinishano casaa.

¹¹Quiaari tari maatia sequereejuhuj, naa quia sequesano miyaquijiaa saniniunijia, nojori cuaara mani quiquiojinia quejoosaaria. ¹²Noo Judiiocuaca saniniuujia, nojoriiri Babilonia jiyajinia jiyaniijianucuaa quia jiyatesanotej, nojoriiri quia rerequeteya. Majaari quenaaja na maniniuhuaqueetatanu quiquiaa pa pueyasohuara quia jeecojotesano casami. Majaari quenaaja quiarijia na mojuquetaconu na maniniuhuaqueetanura orojiniji quia jeecatesano quia nujuatesano casaajuhuj. Cuno pojoricuajaari Sadrac, Mesac, Abed-negoonio.

¹³Jiyacaritij, Nabucodonosorri jiyanoahua juaarri. Na juaniutia sequereeri cuno Judiiocuaca cuaara nocua nitiasaaria. Tii quiniaari ritia Nabucodonosorcua jiyataquiaari Sadrac, Mesac, Abed-negoo. ¹⁴Jiyacari naa nojori nequesotareeri:

—¿Niaatena saa rejeteyajaa cua sequesante? ¿Majatena nia maniniu-

huaqueetanu quiquiaa cua pueyasohuate? Naajuhuj, ¿majatena orojiniji cua jeecatesano casaacuara nia mojoquetaconu quirijuhuj? ¹⁵¿Niaatee cua sequesano miiniutianiya, maja soj? Quiarijianij, niaa jaara tojiri shanohua jonenenuunu, shanohua taquinionuunio, ¿niaatucua cua jeecatesano casaacuara jacamature nia maniniuhuaqueetanura cuno casaa? Niaa jaara quiarjiaa nocuara jacamatuyaquri na maniniuhuaqueetanura, niaari naacua mani quiquiojinia quejoosaanutaniyaquij. ¿Teyano cumaacaraca quijiatucua saa supueyariquiohua saajaniuhuj, niaacuaji na tacunurani?

¹⁶Jiyacaritij, cuarta jiuujianraca mashiquioriiri naa sequeturee Nabucodonosortej:

—Canaatucua casaara sanaa quia tojitiareni. ¹⁷Quiarjiaa canaa quia tojiri. Cuno, canaa Pueyasojuanaa cutarani, canaari nojuajanaa tojiqiaani. Nojuaja-naari canaa cojuanutaniya quiaa jaara canaa quejootere mani quiquiojinia. Camarnunaa, nojuajaari puetunu sesa canaa quia miiniu panishanojinijianaa canaa cojuanutaniyacuaaja. ¹⁸Nojuaja jaara canaa cojuaaquiri, naajaa. Canaari seetanujuanaa quia sequeyani canaa camarnunaa, maja canaa maniniuhuaqueetanu quiniutianiya cuno, quia pueyasohuara quia jiyatesanoni. Majaari canaa mojoquetaconu quiniutianiya orojiniji quia jeecatesano casaacuarajuhuj.

**Pueyaso tojjiaa mashiquiori
tohuatasacari tequeyaquishoo
manijiniji**

¹⁹Naa Nabucodonosor tojjishacari cuarta jiuujianraca Judiocuaca mashiquiori sequesantej, naataniquiacara quiquiri jiyanhua na juaaniutia. Jiyacari na pueya

na mani quiquio cojuanaa sequereeri cuno mani quiquio cuaara jiyanhua nasanaajosaaria socua siete caminiujiushano noshiritianu socua, jiyanhua naseecara.

²⁰Nabucodonosorri jiyacari socua jiyanhua cumueeca na soldadohuajinijinio sequeree na morojotunura Sadrac, Mesac, Abed-negoonio. Naa na morojosaanu nuhuajitij, cuaara noshiyano mani quiquiojinia quejoosaaria. ²¹Jiyacaritij, cuarta mashiquioriiri na maniniuquiya na cushiyoqueyataja jiyaniijianucua toqueyataja morojosaaree. Na nuhuaji cuno noshiyano mani quiquiojinia quejoosaareeri. ²²Camamu Nabucodonosor sequenuucua na sequesano cuaara ritia nera miishaaria, naajuhuj, mani quiniucua jiyanhua naseeca, maniiri mashiquiori quejoyano soldadohua cusojuanuuquiaari ritia. ²³Cuarta mashiquioriiri morojonucuaaja noshiyano manijiniacuma totetaquiaari.

²⁴Nabucodonosorri jiyacari ritia sanequiaari. Na naacuriquiano jiyaniijianucuarano na jiyatesano pueya sequeree na jiuujiatenutaari:

—¿Majatee jiuujianraca pueya quejoosaanu quiriicuaaja cuno noshiyano manijiniani?

Nojoriiri naa na riuatuareequij:

—Taaquiriirinij, naacuaaquinatejaj.

²⁵Camarnuuri socua sequeree:

—Janiya manijiniacuma niquiya caqueetaca pueya rucoojyanoni. Tariucua saacarejenoori juhuajaniya rucoojia. Niquiriyatu nojorijinijinioori juhua Pueyaso seru niquishiya.

²⁶Naa na sequenu nuhuajitij, Nabucodonosorjanaari cuno mani quiquio rupaa casaqueyaji cateconuquiaari. Naa nacareeri:

—iSadac, Mesac, Abed-negoonio!
iNiaaqui jiyocuacaanu quijia Pueyaso seyacuaja! iMiji, nia tohuareetamohua!

Jiyacaritij cuarta jiuujianraca mashiquiori tohuareetamohua. ²⁷Cuno jiyacajinijinio tii quianaa jiyaniijianucuaari mashiquioriicua cateconuquiaari nojori shootianura catecaji. Mashiquiori cuaqueyari maja quenaaja na tequenu quirii. Nojori muecacaari maja quenaaja mayojua naata na jaanunu quiriquiaajuhua. Nojori toqueyari na quiniutia quiriquiaajaa, maja quenaaja rerequetuqueya. Cuno mashiquioriiri tojetaarucujanaa maja quenaaja mani naata na jaanunu quiriquiaa.

²⁸Jiyacaritij, Nabucodonosorri naa sequereequij:

—Sadac, Mesac, Abed-negoo Pueyaso cuara pueyaracaanu timitiasano quiiria. Nojuacujaari na seru jiyaroree nio nocua tiuujiaa pueya na cojuanura. Nojoricuajaari cua sequesano miyaquirii na pueretunuucua nojori Pueyaso. Nojoriiri tama na cuaqueyajaaja panitiree cutara na puecoosaanura. Nojoricuajaari niishiriquiaa, majaari maninia nojori mojoquetaconura nojori timitianura nojori niishishoo pueyasohua, jaara nojori Pueyasojuanaa quiyaquiri. ²⁹Majaari jiyano cojuaja Pueyaso quiniu socuatej. Naacuatej, janiyari quiarijia puetunu pueyajanaa equeyani, quiarijiani, cante nio mashiquiori Pueyasocucara rimiaaqueyani, nojori cuara tojetaarucujanaa rapitiasaaria. Nojori tiaca cuara tojetaarucujanaa niyarequetasaariajuhuaj. Naajaa, jaara quiri tamonu jiyacajiniji, tamaquiicuaij tahue, tamaatia rupaaca pocujaca soj, nojoriiri mosaariquiano naa na rimiaaquenuucua.

³⁰Cuno nuhuaji, Nabucodonosorri cuarta jiuujianraca mashiquiori jiyatequiaari jiyajeneta poonijosano miijiaca nojori quiniuria nera cuno na

Babilonia jiyajiniani. Nojoriiri naacua socua tojishano pueya quijia.

Nabucodonosor niishitiaja jatasacari juhua juunu niishitijara

4 ¹Na nuhuaji Nabucodonosorri naa sequequiaari: “Janiyari camarnu Nabucodonosorni. Janiyari quiarijia puetunu jiyacajinia quijiaca pueya panitiaani nojori cuara juhujaniya quijiaca quiiria, naajaa, jaara quiri tamaquiicuaij tahue, tiquiyocua jiyacajinijinio tamaatia rupaa pocujaca soj.

²Janiyari quiarijia jiyocuaaanu quijia Pueyaso quiria jiyajeneta na miishano tonu paniya puetunu nijaniyajanaani.

³Na cumaacata na miishanoori nocuaji jiuujiatesano tojetaarucujanaa.

Nojuajaari camarnujanaa quiriquiano pueyaracaanu. Na cumaacaari maja quenaaja na piruquiniu quiniutianiya.

⁴“Janiyari Nabucodonosorni. Queraatia jiyacajinia quijiaca pueya jiitiana cua quiniuucua, janiyari naacua juhujaniya cua tiaco quijiani queraatia

casamiriaca cua quiniuucua. ⁵Saniniuujia tamonu niucua cua maquesacari, janiya puereeta maquiyojocanuni. Naa cua maquiyojosano cua niishirijonuucaatej, janiyari jiyanhua

puerereeni. ⁶Naacuatej, janiyari nio puetunu cua jiitiasano Babilonia jiyajinijinio niishijiacajanaa

jiiquiootecanuni cucua nojori nijionura. Janiyari naa miiquianuni nojori pohuatanura quiria casaa naa cua

maquiyojosano tonu paniya janiyani. ⁷Naacuatej, puetunu cua Babilonia jiyajinijinio nio pojoriiri cucua

nijiocanu: joneneya cumaacaraca quijiaca, casapueraca niishijiaa, jiyanhua niishijiaa, riya serojonuucua

niishijiaa pueyajuhua. Puetunu cuno pojorijianaari maja quenaaja na naata

quiriucuaa quiria pohuatanu casaa naa

cua maquiyojosano tonu paniya janiyani. ⁸Na nuhuaji cucua niquianujuanaa cutaraari Daniel. Nojuacuajaari cua pueyasohuara cua jiyatesano sesaanucua, Beltsasar. Nojuajaari sesa miyaquijia Pueyaso Sohuanu niishitiajaraca. Janiyari jiyacari cua maquiyojosanojiniji naa na pohuatareeni: ⁹“Puetunu niishijiacajanaa camarnura cua jiyatesano Beltsasarnaa, janiyari seetanujuanaa niishiyani, quiaari sesa miyaquijia Pueyaso Sohuanuraca. Cuno Sohuanuuri quia tonujuquiaa. Quiaari naacua puetunu niishishoo casaajanaa niishijia cutara. Cua tojiri. Quia pohuatareera cua maquenujinia cua niquishano. Quiarijia cua tore casaa cua maquenujinia cua niquishano tonu paniya janiyani. ¹⁰Nioori cua maquenujinia cua niquishano: Naanaari jiya jiuuijajinia nujuariquiaa, jiyanoehua jiyaconajatej. ¹¹Cua niquiaraja shitiqiii socua jiyaconajaraari. Jiyanoehua queranajara quiqiiijaariuhuaj. Na nacatuuri jiya cajiniocua tohuariquiiiriquiaa. Naacuatej, cuno naanaari jiyanoehua tucuaaanuji maatia niquishaariquiaa. ¹²Na muecacaari maninia neequera quiriqiaa. Jiyanoehua jaaraca quiriqiaajaariuhuaj. Naacuatej, puetunu mijiria quijiaca pueyajanaari tiji miariquiaa. Majaari na pueetanu quiriqiaa. Naajuhuaj, puetunu casamijianaari na cariquioco shinishiquio nujuaturiquiaa. Puetunu jaacuatujuaca casamijianaari na cashacucuaacua jesuuriquiaajuhuaj. Naacuatej, cuno naanaari puetunu mijiria quiniaajanaa rishitinia quiriqiaa.

¹³“Canashiyaquiji janiyari cojuana Pueyaso seru niquirii jiyocuaaanuji roseyanoni. ¹⁴Nojuajaari jiyanoehua nacaree naatej: “Cuno naana nia nure. Jiyareta nia cashacureerenoj. Na

muecaca nia joojorejuhuaj. Puetunu na jaajanaa nia niyacare tiquiyocua. Naajuhuaj, puetunu na cariquioco nujuatiuyano casamijianaa nia jaacare, na cashacucuaacua tiuutiuyano jaacuatujuaca casamijaajanio. ¹⁵Niocua tijia tarinitiare noju na nujuacataja. Naa nia miiniu nuhuajitij, niocua hierrojiniji, broncejiniji shipinishano jiyocuata noju camarucutejore. Niocua tijia na tarinitiarenoj cuaara tama tii shiquitiaarajaaja. Shushiquia cuaara tii nocua tiiria. Naajuhuaj, cuaara jiyasocua miaquejora juyacata jaarajaaja. ¹⁶Na niishitiaja cuaara cushitiiria juhua na cojishano juyaca niishitiaja na jiitianura. Nojuajaari naa pueyaracaanu quiniutianiyaquij cuaara na shocojoorajaatijia siete marijia.”

¹⁷“Pueyaso seruuri naa sequereejuhuaj: “Pueyaso seya canaa quiniucua, canaari naacua puetunu niojuanaa sequereeni. Cunoori puetunu mijiria quijia pueyajanaa niishiniuria jiyocuaaanu quijia Pueyasojuanaa cutaraari cumaacaraca na jiitianura puetunu mijiria camarucujanaa. Naajuhuaj nojuajanaari camamura jiyateja pueyano, cana na paniya camarnu na quiniuriacuajani. Jiya camamura jiyateja samiritiasano pueyajaariuhuaj.”

¹⁸“Camarnu Nabucodonosorri Beltsasar sequeree socua: ‘Puetunu niojuanaari cua maquenujinia cua niquishano. Quiarijia saniniujuia Beltsasarnaa, cua maquenujinia cua niquishano cua pohuatare, casaa na tonu paniya janiyajanojoni. Nio tama cua Babilonia jiyajininio niishijiaa cuarta taucucani, nojoriri maja na naata. Janiyari quiocua tiuya cutarani, quiaari quiria maatia pohuatanutaniyaquinioj. Quiaari jiyocuaaanu quijia sesa miyaquijia Pueyaso Sohuanu jiitiaacuaja.’

¹⁹“Jiyacaritij cuno Danielni, teyonu canaa jiyaniquiquiaari Beltsasartajaniuhuaj, nojuajaari sanaa

tojiriquiaa cua pohuatasano. Nojuajaari jiyanhua niishiriojoriquiaa na tacaatiasacari cua pohuatasano. Janiya, camarnu Nabucodonosorniqui, janiyari naa na sequereeni: 'Beltsasarnaa, maja naa cua maquiyojosano tacaatianutej. Majaari cua maquiyojosano tonu panishano taacanuunu pohuatanujuhuaj.' Naacuatej Beltsasarri cua riucuaaree: 'Cua camarnunaa, cuno puetunu quia maquiyojosanojanaa cuaara quiiria juhuari puetunu quia paraaranojanaa. ²⁰Quiaacuajaari cuno jiyaconaja queranaja naana niquitishaarucuaa. Jiya cajiniocua tohuariquiiriquiaari. Naacuatej, jiyanhua tucuacaanu niquishaatiaja quiriqiaajaariuhuaj. ²¹Na muecacaari maninia neequera quiriqiaa. Queraatia jaaraca quiriqiaajaariuhuaj. Naacuatej, puetunu pueyajanaa, puetunu casamijia-naari tiji miariquiaa. Na cariquioco shinishiquio nujuaturiquiaajaariuhuaj puetunu jiyasocua miaquejaca seyajanaa. Shuhuari puetunu na cashacucuaacuajanaa jesuuriqiaajuhuaj. ²²Cua camarnunaa, quiaacuajaari juhua cuno naana. Quiaari juhua maashiriucuaa. Quiaari cumaacaraca seetanujuanaa. Naacuatej, camarnunaa, quia cumaacaari juhua jiyanhua maashiriucuaa. Jiya cajiniocua tohuariquiimiaari. Naa cumaacaraca quia quiniuucuatej, puetunu jiyacajinia quiijaca pueyajanaa-ri quia jiitiasano pueya. ²³Quiaari cojuariquiano Pueyaso nujuatesano na seru niquiriucuaa jiya cajiniocuajiniji roseyanujuhuaj. Na rosesacari, nojuajaa-ri naa sequeriquiaaqui: Cuno naana nia nuure. Niocua maninia na rapitiarenoj. Niocua tiijia tarinitiare noju na nujuacataja. Naajuhuaj, niocua hierrojiniji, broncejiniji shipinijosano jiyocuata na camarucutejore. Na

nuhuaji niocua na tarinitiarenoj cuaara tiijia shiquitiaara tamajaaja. Shushiquia cuaara nocua tiiria. Naa jaarajaaja juyacata jiyasocua miaquejonutaniyari cuaara na shocojooajaatijia siete marijia. ²⁴Cua camarnunaa, nioori quia niishiniuria jiyocuacaanu quijia Pueyasojuanaari quia saniitionutaniya. ²⁵Cua camarnunaa, quiaari quiarta pueyacuaji rupateriquiano juyacata quia quiniuria. Quiaari jiyasocua miaquejoriquiano juhua juunujua. Shushiquia tiniuucua quiocua, quiaari jiyareta piquiasuu canujuucojoriquiano. Quiaari siete marijia shocotejoriquiano naa quia quishacaritij. Quiaari naa quiriqianotej quiaa cuaara niishiirijaatijia jiyocuacaanu quijia Pueyasojuanaa cutaraari cumaacaraca na jiitianura puetunu mijiria pueyano jiitiasano jiyacajanaa. Naajuhuaj, nojuajanaari camarnura jiyateja pueyano cana na panyacuajani. ²⁶Quia niquiara sequesaarucuaajaariuhuaj naanaju cuaara na nujuasaquijia tarinitiasaaria puetunu na nujuacatajanaa. Cua camarnunaa, quiaa jaara tama niishirijiaaja Pueyaso cutaraari cumaacaraca mijiria, maja quiajaniya, quiaa jaara naa miiritij, quiaari puetunu quia jiitiasano jiyacajanaa tacatosaanutanihuacuahuaj. ²⁷Naacuatej cua camarnunaa, quiarano cua sequesano quia tojiri: Maninia miiiojua quia quiri. Majaari socua sacuaaratia miiijonu. Puetunu sesa quia miiionujuanaa quia tarinitiare. Saniniujia quia taraajere cutara casamiiiju pueyacia. Nojori quia niquitiore na panishano. Quiaa jaara naa miiritij, quiaa jiyoteeri naacua juhuajaniya quiriqiano, tojishanojuhuaj.'"

²⁸Puetunu nio sequesanojuanaa camarnu Nabucodonosorrano quiquiaa-

rini, puetunujuanaari naa
tohuatéquiaariti: ²⁹Niquiriyatu marijia
nuhuaji, tamonu juuca,
Nabucodonosorri na tia cacojori
tacaquiaari Babilonia tiacajinia. Tii na
canujuucojosacari, nojuajaari naa
caapueshijioriquiaaqui: ³⁰“iNia
niquishuriniaja! Shanohua cua
Babilonia tiacaari jiyanoehua puereetu-
ca. Cua jiitiasano pueya cua cumaaca
tojitiija cua quiniuucua, naacuatej nio
Babilonia tiacaari cua quiquiorano cua
tialesano. Janiyari niquiiji jiitiaa
puetunu jiyacajinia quijiaca casaajanaa-
ni. Naacua cua nuhuajitij, pueyari
pueyaracaanu jiuujiatenutaniya naa
niishijia cua quiniuucua, shanohua
puereetuca tiaca cua tiatenuucua.”

³¹Camarnu Nabucodonosor
caapueshijosacarijia, rupaari jiya
cajiniocuaji tojishaaree. Naa sequereeri:
“Nio quia tojiri, camarnu
Nabucodonosornaa. Cuno, puetunu
jiyacajinijanaa quia jiitiasano pueyani,
nojoriri maja tari quia jiitiasano pueya.
³²Quiaari pueyajiniji rupatasaanutaniya.
Quiaari quiarijia juyacata quiniutianiya-
cujua. Quiaari siete marijia
shocotejonutaniya jiyasocua quia
miaquejosacari juhua juunujua. Quiaari
naa quiriqianotej quiaa cuaara
niishiirijaatijia jiyocuacaanu quijia
Pueyasojuanaa cutaraari cumaacaraca
na jiitianura puetunu mijiria pueyano
jiitiasano jiyacajanaa. Naajuhuj,
nojuajanaari camarnura jiyateja
pueyano, cana na paniyacuajani.”

³³Jiyacarijianij, Nabucodonosorranu
Pueyaso sequesanoori nera
tohuatéquiaari. Pueya shuriucuaji
caponeesaareeri. Juhua juyaca
miaquejosee jiyasocuaari. Shushiquia
jiasanoori jiyareta mocuashii canujuu-
cojojua. Na cajaanu tucuanacara
maashiquiaari. Na juaashococua

jaarajaaja, juhua surohua miooru
juaashococuara maashiquiaariiri.

Nabucodonosor mosenu taji Yatesacari

³⁴Nabucodonosorri socua naa
pohuataquiaariti: “Cua saniitiosaanu
marijia jaara tari cua shocojoquiaari,
janiyari jiyacari jiyocuacaanu maureeni.
Naacuatej cua mosenuuri cucuaji
taji Yatesamohuani. Jiyacaritij janiyari
shushajanaa pueyaracaanu jiyocuacaa-
nu quijia Pueyaso maniniuhuaqueetaree
naani: ‘Quia cumaacaari pueyaracaanu
quiriquianojuhuanaja. Mijiria puetunu
casaajanaa quia jiitianuuri
pueetaaquiriquiano. Mijiria jiyaca
camarucua sanitijiotosacaricuua, quiaa
cutaraari pueyaracaanu camarnujuanaa
quiriquiano, sanitiyaquishoo. ³⁵Quiara,
majaari jiyajeneta puetunu mijiria
quijiaca pueyajanaa quia jiitianura.
Quiaari puetunu quia panishano
mijiajuhuanaja, jiya cajiniocuua, nio
jiyacuajaajanio. Mijiria, majaari
quenaaja niquiriyatu quijia quiniu, na
nujuatanura quia cumaaca. Naajuhuj,
majaari quenaaja niquiriyatu quijia
quiniu na nequesotariquiano quiajaniya
¿casaara naa quia miyani?’

³⁶“Jiyacaritij, coojaari juhua cucua
tiuquimiohuani. Puetunu cua jiitiasano
jiyacajanaari quiria
jiyatesaarohuacuhua. Puetunu cua
pueyajanaari cua panijiacara
quiriohuacuahuaj. Janiyari cua jiitiasano
pueya maniniuhuaqueetasano
quiriohuani. Cua casamiiri quiria
quiriohuajuahuaj. Cua nacasunaa
jiyaniijianucuaa cua jiyatesano
pueyani, camarucuaa cua jiyatesano
pueyajuhuj, puetunu nojorijianaari
cucua tacatequiaariuhua. Naacuatej,
janiyari puetunu cua jiitiasano jiyaca
camarnura quiriohuaniuhuj. Janiyari

socua tojishano quiriohuajaniuhuj
juhua coteenujua. ³⁷Naacuatej,
quiarijiani, janiya Nabucodonosorni,
janiyari naacua jiya cajiniocua quijia
Camarnujuanaa timitaani. Puetunu na
miishanojanaari tojetaarucujanaa
maninia cutara. Nojuajaari maninia
miiquiaa maninia mijiaca pueya.
Saniniuujia nojuajaari naacua saniitio-
jua puetunu sesa mijiicajanaa. Noo
pojori cararojojuajaariuhuj tama na
cuaqueyajaaja camarucujacatej.”

**Camarnu Belsasar niquishacari
pueyano juaashiquia sohuacaacua
naajiyano**

5 ¹Nabucodonosor nuhuaji, Belsasari
Babilonia jiya camarnujuanaa
quiquiaari. Na queranacunu panishaca-
ri, nojuajaari jiyaniijianucuarano na
jiyatesano mil narta taucua
masuuquiaari cuno na Babilonia
jiyajinijiniojua. Naa nojori
queranacusacaritij, Belsasari queraatia
vino raturiquiaa na masusano pueyata.
²Queraatia na ratunuucua tari
shitiiriquiaari. Jiyacaritij, Belsasari
orojiniji platajiniji shipinijosano
ratujua casaa pooteree. Puetunu cuno
ratujua casamijianaani, cunoori na que
Nabucodonosor pootesano quiquiaari
Pueyaso Secojojua tiacoji Jerusaleen
tiacajiniji. ³Jiyacaritij, Belsasarcua
poosaaquiaariiri secacocua,
querashiquia ratujua casaa Pueyaso
secojojua tiajiniji poosano Jerusaleen
tiacajiniji. Camarnu Belsasari tii
rateree; tiji raruureejaariuhuj na
camiyosano necocohua, na camiyosoo
necocohuanio. Puetunu masujanaari tiji
raruureejuhuj. ⁴Jiyacaritij, puetunu
cuno pojorijianaari vino raruuriquiaa.
Naa na raruunutaja jeecojosano na
pueyasohuara na jiyatetusano
timitiaturiquiaari. Cuno na pueyasohua-

ra na jiyatetusano casapueni, cunoori
nio cumueeca casaajiniji jeecojosano
quiriquiaa: oro, plata, bronce, hierro,
naanajiniijijuhuj, saajiajinijinio.

⁵Camarnu sohuaca nojori tii
quenaacuturiquiaani, cunoori cohuajata
noshijosano quiriquiaa. Jiyacaritij,
samari noshiquioyano caaniuji
niquishaareeri pueyano juaashiquia
sohuacaacua naajiyano. ⁶Naa camarnu
Belsasar niquishacari sohuacaacua
naajiyano juaashiquiatej, tiijiquiiri. Naa
jiyanohua na shiriiquiniuucuatej, na
niohuacacajiniji coteeree tetecanuuri.
Puetunu na caco quiaamaajanaari.
⁷Jiyacari nacareeri. Naa na pueya
sequereeri:

—Miji quiria nia numotejore
puetunu nio pojori cua Babilonia
tiacajinijinio niishijiacajanaa:
casapueraca niishijiaa, jiyanojua
niishijiaa, riya serojonuucua
niishijiacanio. Nojori nia numotejore
cuaara miji cucua nijioora.

Cuno pojori jaara nocua tiuquitia-
quiaari, camarnu Belsasari naa nojori
sequereequij:

—Niquiriyatu niajanijajinijinio jaara
cuno sohuacaacua naajio serojore
quiria, janiyari maninia na miiniutiani-
yani. Naajuhuj, cuaara quiria
pohuataara casaateja cuno naajio
sequeyani. Janiyari quiarijiaja naa
quiria pohuatana cushiyotenutaniya
naatuque neerueque naata toqueyani.
Riquiajiniji jaasuretasano orojiniji
shipinishano casaa
cushitianishaanutaniyaajaariuhuj. Naa
na miishaanu nuhuajitij, janiyari
camarnura na jiyatenutaniyani
jiuujianura camarucua canaa quiniuria.

⁸Puetunu Babilonia tiacajinijinio
niishijiacajanaari camarnu Belsasarcua
tiuquitiaquiaari. Puetunu nojorijianaari
maja na naata quiquiaari serojonu cuno

naajio. Majaari na niishitiunu quiriqiaajuhuaq casaa cuno naajio sequeyani. Naacuatej, nojoriiri maja na naata caminiujiuniu quiriqiaa camarnu Belsasarra. ⁹Camarnu Belsasarra naacua shiriquirii socuatej. Na jiquiocoori jiyanhuaa tiijiquii. Jiyaniijianucuarano na jiyatesano pueyari maja na niishtiuniu quiriqiaa casaa na miitiuniutianiyacuaani. ¹⁰Jiyacaritij, camarnu Belsarar nucuuari neyanu tojiriquiaa na tacaaniutia nacojiyano. Tii nata queranacuyano narta jiyaniijia-nucuaari na tacaaniutia nacooriquiaajuhuaq. Na nucuuari jiyacari nojori queranacusaqui tiuquimiaa. Naa neyanu sequereeri:

—Cua camarnu cuara pueyaracaanu jiiriatara. Maja najuhuaa tacaaniu; majaari tiijiniujuhuaq. ¹¹Puetunu quia jiitiasano jiyacajinijiniyuanaani, niquiriyatu pueyanoori jiyocuaaanu quijia sesa miyaquijia Pueyaso Sohanu jiitiaa cutara. Tariucuaaanu camarnu quia que quishacarijia, cuno pueyanoori niishishoo casaa niishiniu maniniu quijia. Tojetaarucujanaa jiyanhuaa niishijiaari juhua pa pueyasohuaq. Naajuhuaq, na niishitajajinia pueyano niishiriojosano niishijiaaariuhuaq. Quia que Nabucodonosorri naacua cuno pueyano jiyatequiaari puetunu nio Babilonia jiyajinijinio niishijiaa jiyaniijia na quiniuria. Nojuajaari nio pojori jiyaniijia quijia: joneneya cumaacaraca quijiaa, casapueraca niishijiaa, jiyanhuaa niishijiaa, riya serojonucuaa niishijiacanio. Quia queeri cuno pueyano jiyaniquiquiaari Beltsasartajuhuaq. ¹²Seetanujanaari cua sequesano quiajaniya. Nojuajaari tojeea sohanu jiitiaa. Nocuaaji jiuujiatesano tojetaarucujanaa. Jiyanhuaa niishijiaari. Maquenujinia niquisha-no pohuatanu niishijiaaariuhuaq,

maatia na niishishaanura. Tojetaarucua-janaa jiyanhuaa jiyajeneta niishishoo casaa niishijiaaariuhuaq. Quiarijianij, camarnu Belsasarnaa, Daniel quia numootetere cuara quiocua niiria. Nojuacuaajaari quiaa pohuatanutaniya maatia cuno sohuacaacua naajiojiniji.

¹³Janiyari naacua camarnuucua jiyatasaaquiaarini. Camarnu Belsasarra naa cua nequesotareequij:

—¿Quiaatee Daniel jiyanishano, niquiriyatu noo Judiiocuacajinijinio cua shipininio Nabucodonosor na quioote-quiaari Judea jiyajinijitij? ¹⁴Quiocuara tosaareenijia, quiaanaari Pueyaso Sohanu jiitiaa. Quiaanaari naacua niishijia cutara. Majaari quenaaja casaa cureenu quia niishishoo. Quiaacuaajaari puetunujanaa na niishiya. ¹⁵Nio cua Babilonia jiyajinijinio jiyanhuaa niishijiaaari niya qutiuriquiaa. Sohuacaacua naajio serojotunu panituriquiaano quiria juucua, na nuhuaji quiria na pohuatatunura casaa na sequenu paniyajanojoni. Nojoriiri maja quenaaja na niishitiuniu casaatejaara cuno naajioni. ¹⁶Quiarijia saniniuuja, janiyari quiocuara tosaareeni. Quiaanaari maatia pohuataja cutara pueya taacanuutasano casaa. Naajuhuaq, quiaanaari tojetaarucujanaa jiyajenetasano casaa niishijia cutara maatia quia caminiujiushocoriquiano. Quiarijiani, jaara quia naata quiri, quiria quia serojore cuno naajio. Quiocua na nuhuaji cua sequerohua casaa na sequeyajanojoni. Quiaa jaara naa miiri quiriateg, janiyari quiarijia quia cushiyotenutaniya jiyanhuaa naatuqueya neeruqueya toqueyani. Quiaari orojiniji shipinishano riquiajiniji jaasutaja cushitanishaanutaniyajuhuaq. Naa quia miishaanu nuhuajitij, janiyari quia jiyatenutaniya jiuujianraca camarucua pa quiniuria.

¹⁷Janiyari jiyacari naa na riucuareequij:

—Cua camarnunaa, maja tacaani. Quia racatare cuno nareja quia niquitiojonu panishano casamini. Naajuhuj, tamonu quia shiiniotare cuno, quiata camarnu na quiniuriani, quia jiyaco quiriquianojuhuaj. Naajaa, janiya cutara quiaara pohuatanutaniya sohuacaacua naajioni, casaa na sequeyajanojoni.

¹⁸Cua tojiri, cua camarnu Belsarnaa, jiyocuacaanu quijia Pueyasoori quia shipininio Nabucodonosor jiyatequiaari tojishano camarnujuanaa na quiniuria. Queraatia jiyacajininio pueya na tojitiquiaariiri. Jiyanoehua queraatia casami na niquitioquiaarijuhuaj. ¹⁹Naa cumaacaraca na quiniuucuatej, nojuajaari na jiitiasano pueyacu paaretaja na cumaaca. Tiquiyocua quijia tiacacajininio pueyari na jiitiasano pueya quijia. Tamonu jiyacajininio tama na rupaaca pocuajaca pueyari na tojitiajaca quijiacajuhuj. Puetunu cuno jiyacajininio pueyaja-naari na pueretujuaca quijia. Na juaashacari, nojuajaari na juaashano moju. Saniniuujia, cana na jiyanooni paniriquiaanjia na jiyanoojiaariuhuj. Naajuhuj, tamasaca jiyateja camarucuaari, tamasaca cararojuajaariuhuj nojori na ruuretanuucua. ²⁰Naa miiija na quiniuucuatej, tama nojuajaariija na cuaqueya jiyatequiaari camarnurajanaa. Naa shocotaja na quiniuucuatej sacuraatia sesa miiiojuara coteequiaariiri. Naa na miiinuucuatej, na cumaaca jaariutiasaaquiaariiri. Pueyari na shocotequiaari tojetaarucujanaa. Nareja niquishano quijiaari, maja juhua camarnujua. ²¹Narta pueya shuriucuj taanuusaquiaariiri. Cuhuariquijiniara canujuquiaariiri. Nojiaari jataquiaari juhua nacujiniaacoji casaa na quiniuria.

Nacujiniaacojinio burrohua cojishiiri. Jiyasocua miaquejojaari juhua juyacaja. Jiyareta mocuashii juhuaquejojaari shushiquia tiniuucua nocua. Naa cuhuariquijinia quiquiaariiri tama nojuajaaja cuara niishiquiaarijaatijia jiyocuacaanu quijia Pueyaso cutaraari camarnujuanaa. Pueyasoori cumaacaraca cutara na jiitianura puetunu pueyapuejanaa puetunu mijiria jiyacajiniajanaa. Nojuajaari camarnura jiyateja cana na jiyatenu paniya camarnuracujani. ²²Quiarijianij, cua camarnu Belsarnaa, quiaacuajaari naa miishano niyanu. Quiaacuajaari maninia niishiya naa quia shipininio miishaanujiniitij. Quiaari jiyareta na nuhuaji neteree, quenaatucujaraj nojuacuajatej. Quiaari tama quia cuaqueyajaaja jiyaterucua camarnurajanaa. ²³Quiaari jiyocuacaanu quijia Camarnujuanaa rerequeteree quiarijia nio quia miishanota. Quiaari Pueyaso Secojoja tiajiniji tariucuacaanu poosano ratutaja secacua querashiquia casaa pooteree niyara nia queranacusaquiriani. Quiaari tii raturee vino. Quiaari tii raatojoree quia masujuhuj. Cuno, naa nia queranacununiquitij, cunoori nia pueyasohuara nia jiyatesano nia maniniuhaqueetanura. Cunoori nio cumueeca casaajiniji jeecojosano casami: oro, plata, bronce, hierro, naana, saajiano. Cuno nia pueyasohuara nia jiyatesanoni, namijiaraca juucuacuajaari, majaari na niquiniu. Numaaracajaariuhuj, majaari na tojinu. Tojetaarucujanaa niishiyashijiaari. Saniniuujia cua camarnu Belsarnaa, majaari noo Pueyasojuanaa quia timitianu quenaajaaja teyonu juaashiquiajinia quia quiyacuajani. Nojuacuajaari pa cumaquijia pa miiniuria puetunu pa miini panishano-

juanaa. ²⁴Cua Pueyasoori naacua jiyaroree cuno juaashiquiatej, quiara na naajionura nio: ²⁵MENE, MENE, TEKEL PARSIN. ²⁶MENE: Nioori naa sequeya-quij: Pueyasoori tari serojoreecuaja taa juuca quia camueenutaniyajaarani quia quishacarijia. Tari sequereejariuhuj, taacari naa camarnu quia quiniu puequenutaniyani. ²⁷TEKEL: Nioori naa sequeyaquij cua camarnunaa: Quia niiquiaari tari shanacusaaree Pueyaso niiquia shanacutarujinia. ¿Casaara namacatequia? Quiaaquiiri najuhuanajuhuanajaj. ²⁸PASIN: Nioori naa sequeyaquij cua camarnunaa: Puetunu quia jiitiasano jiyacajanaari tari raquiriatasaaree quiara. Quia jiya raquiiri Asia jiyajinijinio tamasa taucuaa niqutiosaanutaniya. Cuno pojoriiri Medo Persa jiyanishano.

²⁹Jiyacaritij, camarnu Belsasari na pueya sequeree janiya cuaara naatuqueya neeruequeya toqueya cushiyotesaaria. Naajuhuj, cuaara orojiniji shipinishano cua riquiajiniji jaasutariquiano cushitianishaariajuhuaj. Camarnu Belsasari jiyacari puetunu pueyajanaa numootejoreejuhuj, janiya narta camarnujaajanio.

³⁰Cuno Babilonia tiacajinijinio camarnu Belsasari, nojuajaari cuno niucujaja mosaaquiaari. ³¹Saniniuujia, Media jiyajinijinio Darii jiyanishanoori camarnura quiquiaari na niti. Jiyacaritij, Dariiori tariucua sesenta y dos marijia shocotejonu quiriquiaa.

**Daniel jatasaaanu raama
juurunu sareya cari**

6 ¹Tari Darii quishacari camarnu Babilonia jiyajinia, nojuajaari jiyacari niishiriojoree ciento veinte pueya saquiriojonu. Cuno pojoriiri quiquiaari jiyaniijianucua na jiyateso-coriquiano tiquiyocua na jiitiasano

jiyacajinia. ²Dariiori socua jiuujianraca pueya jiyatequiaari camarucua cuno 120 jiyaniijianucua nacasunaa quiriquiano. Janiyari niquiriyatu cuno jiuujianraca camarucua pueyajinijinio quiriquiaani. Canaari naa camarucua jiyatesaaquiaarini, tiquiyocua jiyacajinia jiyaniijianucua jiyatesano nacasuriquianoni. Cuno jiuujianraca camarucua, canaari naacua niishiquiaarini cuno 120 jiyaniijianucuatee seetanjuanaa maninia miya na poonijosano, naacuatej, maja camarnu Dariioocua sesa na miishano saquiriojotaaquishaanura. ³Janiya saniniuujia, janiyari cuarta camarucujajini socua camarnu maniniu quijiani. Naa niishijia cua quiniucuatej, Dariioori cua jiyatenu paniquiaari camarnujanaa cua quiniuria. ⁴Naa niishijia cua quiniucuatej, cuarta camarucuaari, puetunu jiyaniijianucuarano jiyatesano pueyajanaari cua paracaaniu coteequiaari. Naacuatej nojoriiri roojotoquiaari camarnujanaa Darii saquiriojotatunura cucua juucua. Cucua saquiriojotatunu paniriquiaari maja maninia cua miiniu quiriquiaa camarnujanaa seeratasano canaa miishocoriquiano. Puetunu cua poonijosanojuanaa maninia mijia cua quiniucua, cucua saquiriojotanu panijiaaari maja quenaaja na jiitiatunu quijia casaa na tonujutunura cucua. ⁵Cuno pojori cua cojiniaani, cua paraajaniuhuj, nojoriiri jyanohua niishiriojonuquiaari casaa na saquiriojotatunutaniya cucuarani. Naacuatej, nojoriiri socua naa sequetooquiaariti: “Majaari pa naata quiniutianiya Danielcuara saquiriojotanu casaa, nocua pa najiquitiniuria camarnujanaa. Paacujajaari niishiyani nojuajaari pueyaracaanu mojoquetaquiaa na Pueyaso na

secojonura. Naa na miijionu pa tarinitiri.”

⁶Naacuatej, cuno camarucua puetunu jiyaniijianucujuhujaj, tama nojorijiaaritia numootejotooquiaari nojori quianura camarnu Dariioocua tii nojori pocoojonura. Tari puetunu nio pojorijia-naa quishacari camarnu Dariiocua, naa na sequetureeri:

—Canaa camarnunaa, quiaari rishiriquianojuhuanajaj. ⁷Canaa quia jiitiasano jiyaca cojuanaara jiyaniijianucua quia jiyatesano pueyani, tama canaajaaritia rerejorucuaani canaa pocoojonura canaa niishiriojosanojiniji. Puetunu canaajanaari naa niishiriojorucuaa nio miiniuni: Quiaritia puetunu quia jiitiasano pueyajanaa quia numootejotere puetunu nojorijianaa cuaara nio naajio tojtiaara seetanujua-naa. Puetunu pueyajanaa cuaara tarinitiaara treinta juuca tama na pueyasora na jiyatesano casaajaaja secojonu, narta pueyanojaajanio. Canaa camarnunaa, pueya cuaara saaja quia secojotuur cutara. Saniniujija, cante nio sequesano rejeteyanijia, cuno cuaara jataaaria juurunu sareya cari na raama. ⁸Naacuatej, camarnunaa, cuno quia naajio cuaara tojishano quiiria. Quiajanijayanaacua quia sesa naajiore cuno naajiojinia, maja tii sequesano jatanishaanura quenaaja taa quia supuetanaa Medo Persa camarucua niishiquiaari miiniucujani.

⁹Naacuatej, camarnu Dariiori na sesa naajioquiaari cuno pojori naajiojinia, cuno naajio jiitianura cumaaca.

¹⁰Janiya jaara niishiquiaari cua paraari tari camarnu Dariio naajioteree na sesa nojori naajiojinia, janiyari cua tiajinia quiaarohuani. Jiyacari janiyari cua sohuacamara tiuquiquiaarini. Jiyacari janiyari cua sohuaca tacuhua ritareeni. Cuno na tacuhuari jiyareta Jerusalem tiacaacua-

ra canetaja quijia. Janiyari jiyacari mojuquetareeni Pueyaso cua secojonura, na timitianurajaniuhujaj. Janiyari naa secojonu jiitiquiaarijuhuanani tariquii-cuaji, panacari, pananu tiuquishacarinio. ¹¹Jiyacaritij, cua paraari cucua tiuquitiamaa cua tiaco. Saaja cua riuriatatussee Pueyaso secojiyanoori, na maniniuhuaqueetaa-nojuhuaj. ¹²Naacuatej, cuno pojoriiri ritia quiacuhua camarnuta na pocoojonuhuaara nojori naajionuutasa-nojiniji. Nocua na tiuquitiyacari, naa na sequetureeri:

—Canaa camarnunaa, ¿majatee puetunu pueyajanaa quia numootejonu quiirucuaacuaja, naajiojinia sequesano nojori tojiniuria? Cuno naajiojiniani, tii sequeyacuajaari, cante cuno treinta juucajinia na pueyasora na jiyatesano secojiyani, narta pueyano maaraja, naa miijia cuaara juurunu sareya cari jataaaria na raama. ¿Majatee naa na sequesaanu quiirucuaaquij?

Camarnu Dariiori cuno pojori riucua-ree:

—Taaquiiririni, naacuaaquinatejaj. Cuno naajiojiniani, tii sequeyajaariuhujaj cuno naajio cuaara quiiria seetanujua-naa taa cua supuetanaa Medo Persa camarucua niishiquiaari miiniucujani. Jatanishoo tojetaarucujanaa.

¹³Cuno pojoriiri socua naa saquiriojotariquiaa cucuaratej:

—Camarnu Dariionaa, cuno Daniel, Judea jiyajiniji jaashanoni, nojuajaari quia rerequeteya. Majaari quenaaja na tojinii naajiojinia quia sequesano. Canaajanaari na niquiriucuaa tariquii-cuaji, panacari, pananu tiuquishacari na Pueyaso secojiyanoni.

¹⁴Camarnu Dariio jaara tojiquiaari naa cuno pojori sequesanotej, jiyano hua tacaariiri. Nojuajaari cucuaji saniniujiurii tacunu juucua. Nojuajaari

juucua puetunu cuno juucajanaa saniniujiurii taa na jataniniutianiyacuaa na naajioni. Pananuuri naa na tacaashacari na tiuquitiamaajaa. ¹⁵Jiyacari cua paracaajiaca pueyari socua tiuquitia-quiaariuhua camarnu Dariiocua. Naa na sequetureeri:

—Camarnunaa, quiaacuajaari maninia niishiya taa quia Medo Persa supuetanaa camarucua niishiquiaari miiniucujani. Naacuatej majaari quia naata quia naajiojinia quia sequesano jataniniu.

¹⁶Jiyacaritij, camarnu Dariiori socua na pueya sequereequij, janiya cuaara nocua nitiasaaria juurunu sareya cari jatasocoriquiano. Juurunu sareya cari cua jataaquishacarijia, camarnu Dariiori naa cua sequereequij:

—Cuno Pueyaso, quiaa pueyaracaanu na tojiquiaani, nojuaja cuaara quia cojuaaara.

¹⁷Juurunu sareya cari raama cua jataaanu nuhuajitij, puereetuuca saajata na mishiquioturohuarinioj. Naa na miitiuniu nuhuaji janiyatej, camarnu Dariiori marauta na sesa naajiotajata rupanacuree juurunu sareyacua mishiquioojia saajia. Naajuhuaaj, socua tojishano jiyaniijianucua na jiyatesano sesacata na rupanacureejaariuhuaaj. Camarnu Dariiori naa miiquiaaritij, seetanu na sequesanojanaa tohuatenura taa na supuetanaa Medo Persa taucuaa niishiquiaari miiniucujani, naajuhuaaj, maja quiria cuno nojori naajio jatanishaanurajuhuaaj. ¹⁸Naa na miiniu nuhuajitij, camarnu Dariiori na tiaco quiacuhua. Cuno tenacarijianij, majaari na miaquenu quirii. Cuno niucuajuhuaaj, camarnu Dariiori maja na paniniu quirii na jaaquejotasaanura, na timitishaanurajuhuaaj taa na jiitiquiaari miiniucujani. Naacuatej, nojuajaari puetunu cuno niucujanaa suteree,

jiyanohua na tacaaniuucua. ¹⁹Jaara juhuaquequiaari, camarnu Dariiori ritia netemaa juurunu sareya mishiquishaquiria. ²⁰Catecaji naa cucua nacaree na taraajenutaari:

—Quijiajuhuanaja Pueyasojuanaa seru Danielnaa, cuno quia Pueyasoni, quiaa saaja na panishano miiquiaa pueyaracaanuni, ¿nojuajatee juurunu sareyacuaaji quia cojuaree?

²¹Janiyari na riucuaareni:

—Cua camarnunaa, pueyaracaanu rishijiarano quia jiyateriquiani. ²²Cua Pueyasoori na seru jiyarorucuaa cucuani. Nio juurunu sareya rupaa seecujutareeri maja na sanura janiya. Pueyasocuaajaari niishiya janiyari sesa miyaquijiani. Naajuhuaaj cua camarnunaa, majaari sesa cua miiniu quiriuucuaa quiajaniya.

²³Camarnu Dariiori jiyanohua timirii na tojishacari janiya. Jiyacari na pueya sequereeri janiya cuaara ritia jaashaaria raamaji. Cua jaashaanu nuhuaji, majaari quenaaja rashuyashi quiniu quiriquiaa cua cuaqueyajinia cua tiuuniucua Pueyasocua seetanujuanaa. ²⁴Na nuhuaji, camarnu Dariiori na pueya jiyaramiquiquiaari cucuara saquiriojotanaa nojori quioonura puetunu necocohuatajanaa, puetunu necohuajaa-janio. Puetunu nojorijianaari raama juurunu sareya cari quejoosaaquiaari. Raama na cuteyaquishacarijia, juurunu sareyari jiyocuaanujua na niojoquiaari. Jiyareta sureesaaquiaariiri.

²⁵Jiyacaritij, camarnu Dariiori puetunu jiyacajinijanaa na jiitiasano pueyacua jiyaramiquiquiaari na naajio. Na naajio naajiotequiaari puetunu tamaatia na jiitiasano pueya rupaacajinijanaari. Na naajiojinia naa nojori sequequiaariiri:

—Puetunu cua jiitiasano pueyajanaa-naa, janiyari nia panitiaa maninia

quiniuni. Puetunu nia poonijosanojuanaa cuaara maninia quiriia, juhuajaniya shuquiriaatia nia quiniuria. ²⁶Puetunu jiyacajinijananaa cua jiitiasano pueya nia quiniuucua, janiyari nia numooteyani. Nio niaarano cua sequesano nia tojiri:

“Jiyocuacaanu quijia Daniel Pueyaso tojijiaca nia quiri. Cuno Pueyasoori quijiajuhuanajaj. Naa pueyaracaanu quiri quianojuhuanaari. Camarnujuanaa na quiniuucua, naa Camarnu na quiniuuri quiri quianojuhuanajaj. Na cumaacaari puequeyaquiri quianojuhuaj. ²⁷Nojuajaari nocua tiuuijiacaacuaji tacuna cocuaatia miyanoiniji; na jaajiajaarihuaj. Nojuajaari nocuaji jiuuijatesano casaa miiija jiya cajiniocua, mijiriajaajanio. Nojuajaari Daniel cojuarucuaa juurunu sareyacuaaji maja na sasaanura.”

²⁸Naacuatej, Dariio quishacarijia puetunu Babilonia jiyajinia quijiaaca camarnujuanaa, janiyari jiyacari tojishano camarnu quijiajanihuaj. Janiyari naa camarnu quiquiaarijanihuaj. **Ciro** jiyaniushano tahue quishacari camarnu Dariio niti. Camarnu **Ciro** quiniuucua Persia jiyajinijinio, nojuajaari Babilonia jiya sesa jataniquiaari Persiara.

Daniel masesacari Pueyaso narta quioosano Israel pueyacuara

9 ¹Dariiori Asuero jiyaniushano niyanu quijia Medo jiyaniushano taucucajinijinio quijia. Nojuajaari Caldeo taucuaaca camarnu quijia. ²Coteenu marijia Dariio shocotesacari camarnujuanaa na quishacari, janiya, Danielniqui, janiyari tamonu juuca Pueyaso sequenu panishano caminiujiniana Jeremias naajio serojoriquiaani. Tee na sequeyacuajanij Jerusalem tiacaari setenta marijia shocotejonutaniya naa niyaratasano na

quishacaritij. Camarnujuanaa Pueyaso-cuajaari naa sequequiaari nera caminiujiniana Jeremiasatej. ³Naacuatej, Pueyaso cua secojonura socua maninia, janiyari mianu tarinitiareeni. Janiyari toqueya cocuaqueya cushiyoreeni. Janiyari na nuhuaji juacajinia cajiriohuani. ⁴Cua Camarnu Pueyaso cua secojosacari, janiyari seetanujuanaa naa na sequereeni: “Cua camarnu Pueyasonaa, quiaari cumaacaracajuhuanajaj, nocuaji jiuuijatesano. Quiaari puetunu quia sequesanojuanaa tohuateja. Quiaari quia paniniu tojua quia panijiaca, canapuetucua quia sequesano miijiacani. ⁵Canaari sesa miiquiaarini. Canaari sacuaaraatia casaa miijiocuaarini. Canaari cararaatia casaa miijiocuaarijanihuaj. Canaari quia ruuretaquiaari tojetaarucujanaani. Naajuhuj, canaari canaa tojishocoriquiano quia naajiotasano cartequiaari tojiniuni. ⁶Quia seya, pueyara quia sequenu panishano caminiujiniuaatej, nojoriiri juucua quiajaniyajiniji canaa jiitianaa camarucua poojotajaca juucua. Naa poojotatujua juucua canaa camarucuaajarihuaj, canaa supuetanaajuhuj, puetunu canaa Israel pueyajanaanio. ⁷Quiajaniya cua Camarnunaa, quiaari tojetaarucujanaa sesa miyaquijia cutara. Puetunu canaajanaa Judiiocucaniqui, canaari quiarijia caririquiyani quia tojitiaashijiaca canaa quiniuucua. Tiquiyocua jiyacajinia quia niyacaso canaa Judiiocucani, Jerusalem tiacajinijinioni, cateca naataja tiacajinijiniojuhuaj, socua jiyanohua tucuaaanu jiyacajinia quijia quia jiyatesanonio, puetunu canaajanaari caririquiyani canaa ruuretanuucua quiajaniya. ⁸Canaajanaa Camarnunaa, canaa camarucua, canaa jiyaniijianucujuhuj, canaa supuetanaanio, puetunu canaajanaari caririquiyani sesa

canaa miiniucua quiajaniya. ⁹Canaa Pueyasonaa, quiaari pueyacua taraajeyajuhuanajaj. Quiaari jiyanoojia-juhuaj. Canaari quia ruuretaquiaari tojetaarucujanaani. ¹⁰Canaari quia numueejushiquiaarini, canaa Camarnu Pueyasonaa. Canaari saaja rejeteja canaarano caminiujiuriquiano quia jiyaramiquishano pueyani.

¹⁶“Camarnunaa, canaacuajaari niishiyani quiaari jiyanoojia. Quia shinitiarohua Jerusaleen tiacajinia quiniaa quia juaatianujiniji. Cunocua-jaari quia saquiriojosano tiaca. Na quijia tuhuananuuri quia saquiriojosanojuhuaj. Puetunu canaa Jerusaleen tiaca shocua quijiaa tiacacajinijinio taucuacajanaani, puetunu nojorijianaari canaa Jerusaleen tiaca rerequetequiaa. Quia saquiriojosa-no pueyari naa rerequeteshiya quiarijia-juhuaj. Puetunu cunojuanaari naa sesa canaa miiniucua, canaa supuetanaa miiniucua sesajuhuaaj, maja najuhua-naj. ¹⁷Canaa Pueyasonaa, quia tojiri nio quia seru masesano cua sequesano quiajaniyani. Canaacua quia taraajere quenaaja, Camarnunaa. Quia taraajenu-ta quia niquiri quia secojojua tia, tojetaarucujanaa niyaratasano paaquioyano. ¹⁸Cua sequesano quia tojiricuaraja quenaaja cua Pueyasonaa. Quia niquiri, canaari tiquiyocua niaquejeno quiyani. Canaa tiacari naajuhuaaj, jiyareta niyarequetasanoori paaquioya. Quia sesaari cuno tiacajinia jiyaniquishaaquiaa. Majaari naa canaa masenu quiajaniyatej canaa jiyanihaca-ri canaari maninia miijiacani. Maja. Canaa cutaraari quia maseyani canaa niishishacari quiaari taraajeja cutara. ¹⁹iCamarnunaa, Camarnunaa! iCanaa quia tojiricuaraja quenaaja! Canaa quia jiyanoorijuhuaaj. iCamarnunaa, canaara quia miiri canaa sequesano quiajaniya!

iMiji, niya canaa quia naacusee! iMaja tarishiniu, Camarnunaa! Cua Pueyaso-naa, quia saquiriojosano tiacaacua quia taraajetare, tii quiniaa quia saquiriojo-sano pueyacujajaajanio. Nojoriiri quia maniniuhuaqueetajaca pueya. iMijijia, maja tarishiniu!”

Casaa Pueyaso niquitishacari Daniel juhua na maquenujinia

10 ¹Ciro jiyaniushano camarnuuri Persia jiyajinijinio quijia. Nojua-jaari tari jiuujianraca marijia shocotejo-riquiaa camarnu na quishacari Babilonia jiyajinia. Pueyasoori jiyacari cua niquitiquiaari casaa. Janiya Danielniqui, janiyari Beltsasarta jiyaniquishaaquiaarjaniuhuaaj. Cuno casaa, Pueyaso cua niquitiquiaarini, cunoori seetanujanaa quiquiaari. Saniniuujia jiyajeneta quiriquiaa cutaraari maatia na niishishaanura casaa na niquitishano tonu paniriquiaa janiyanij. Janiyari jiyanoohua niishiriojo-juani. Janiyari socua na niishiquiaarinio casaa cua niquishano tonu paniriquiaa janiyani. Naacuatej janiyari naa cua niquishano naajiotaquiaarini:

²“Naa cua tacaashacaritij, janiyari jiuujianraca semana shocotejoree pueyaracaanu cua taraajesacarini. ³Naa jiyanoohua cua miishacaritij, janiyari cua maniniucuasano sumatuucuaa miaque-jonu cartereeni. Janiyari shu miaquenu cartereejaniuhuaaj, vino ratunujaajanio. Naajuhuaaj, majaari cua nanoojonu quijia cua shanohua jaanutaja cuaraa cua shocoquiaarijaatijia cuno jiuujianraca semana. ⁴Marijia coteeja racajinia, veinticuatro juucajinia, janiyari cuno juuca puereetuca Tigris jiyaniushano moo casaqueeji quiriquiaa-ni. ⁵Janiyari canashiyaquiji niquirii pueyanoni. Linojiniji shiyosano toqueya cushiriquiaari. Saaque maniniu cushiri-

quiaari saaja orojiniji shipinishano. ⁶Na cuaqueyari juhua topacio jiyaniashano saajia nenecuariquiaa. Na jiquiocoori shacantuua quiriquiaa juhua miacanaja. Na namijiaari juhua cuaariococo noshiquioyano niquishano quiriquiaa. Na numatucua, na niohuacacajuhua, shacantuuaari quiriquiaa juhua bronceja. Na pocuasacari, na rupaari juhua pueyamaanu rupaa tojishano quiriquiaa.

⁷“Saa janiyajaari puetunu niojuanaa niquiriini. Cuarta canuu cuata quituiri-quiaani, nojoriiri maja quenaaja na niquitiuniu quirii puetunu nio cua niquishanojanaa. Jiyanoahua na shiriquitiuniuucua, jamaatiuniuucua netecuaturee saajaari. ⁸Janiyari tamajaaja quiriquiaani puetunu niojuanaa cua niquishacari. Jiyacaritij, janiyari jiyanoahua tiijiquiini. Cua cuaqueyari jiyanoahua sasequee. ⁹Cucua na pocuasacari, janiyari cua jiriquiaa pojiyareeni. Janiyari cua pojosaquijia cusojojiquiaani. ¹⁰Jiyacaritij, juaashiquiaari cua quiareeni. Cua sanareeri. Cua mojuquetaniriiri. Janiyari jiyocua quiatariquiaani. ¹¹Jiyacari naa cua sequereeri: ‘Pueyaso panishano Danielnaa, quiarijia maninia quia tojiri casaa cua sequenutaniya quiajaniyani. Quia nujuare. Janiyacuajaari quiocua jiyarosareeni.’

“Naa cua tojishacari na sequesantej, janiyari cua tetcenuta nujuareeni. ¹²Naa cua sequereeri: ‘Maja puerenu Danielnaa. Pueyasojunaacuajaari jiyajeneta casaa quia niquishano quia niishiniu paniniuucua quia tacaani niishiya. Naa quia tacaashacaritij, quiaari saaja quia Pueyasocua saariucuaa. Coteenu juucajiniji quia secojosacari, Pueyasocuaajaari puetunu quia secojosanojuanaa tojiriucuaa. Naajuhuaq tama quia saniitiosacari quia

cuaqueyajaaja niquiriucuaajaariuhuaq. Janiyari naacua quiocua niyareequij. ¹³Pa paraca Satanaas seruni, cuno Persia jiya jiitianani, nojuajaari veintium juuca cua tenujurucuaa maja mijiria quiocua cua tajiniuria. Jiyacaritij, Pueyaso seya camarnu Miguelri cucua nimiacuaa quiocua na tajitiniuria janiya. Nojuacuajaari jiyanoahua cumaacaraca. Janiyari jiyacari tamajaaja nio Persia jiya camarucua tajinia jateerucuaani. ¹⁴Janiyari quiarijia niya quiocua tiuquiriini maninia cua niishitiniuria quiajaniya taa quiarta Judiiocuaa miijosaanutaniya nio nuhuajini. Puetunu naa quia niquishanojuanaari quia tonu paniya tamacariria, maja quiarijia.

**Tamasaca jiyaca camarucua
miaquetoojosacarijiniji
pohuatasano**

11 ²⁴“Quiarijia cua tojiri. Nioori seetanujuanaa: Nio Persia jiyajiniani, jiuujianraca camarucuaari sanitiojotoonutaniyajaara. Cuno jiuujianraca Persia jiya camarucua nuhuajini, tamonuuri supenutaniya. Nojuajaari socua jiyanoahua queraatia casami jiitiaja quiniutianiya cuno tariucua nocuajiquinio jiuujianraca camarucujiniji. Naa queraatia casamiriacaa na quiniuucuatej, nojuajaari jiyanoahua cumueeca quiriquiano cutara. Naacuatej nojuajaari na pueya shiniujuiniutianiya Grecia jiyajinijinio narta taucuaca camarnu ruutaquenura. ³Cuno Grecia jiya camarnu nuhuaji, socua tamonu camarnuuri quiniutianiya. Nojuaja cutaraari miaquejonu maniniu quiniutianiya. Naa miaquejonu quiniuucuatej, nojuajaari socua queraatia jiyaca miaquejonu shocotanutaniya. Naacuatej, nojuajaari puetunu tama na panishano miiijaaja quiniutianiya.

⁴Puetunu jiyacajinia na jiitiasano pueya jaara tari quiya na tojitajaca, jiyacaritij nojuajaari na jiitiasano jiyaca jaariutiasaanutaniya. Na jiitiasano pueyari cuatro maanura raquirijitariquiano. Naa cumaacaraca cuno Grecia jiya camarnu quiniuucatej, naajaa necohuari maja na shanacusaanu quiniutianiya nojori quiniuria na que niti. Tamasaca cutaraari camarucuaa jiyatesaariquiano saa na nitijia. Naacuatej, na jiitiasano jiyacaari maja tari cumaaca na jiitianu quiniutianiya juhua coteenujua. Naa raquirijitiano cuno camarnu jiyaca quiniuucatej, tamasa camarucuaari na jiitariquiano na niti saniniuujia.

⁵“Niquiriyatu cuno cuatro camarucujinijinioni, nojuajaari jiyaniquishaariquiano pananu muetasmaji muenecara quijia jiyajinijinio camarnu. Cuno camarnuuri jiyanhua cumaacaraca quiniutianiya. Saniniuujia, tamonu na soldadohua jiyaniijiaa na jiyatesanoori socua nojuajiniji cumaacaraca quiriquiano. Naacuatej, nojuajaari queraatia jiyaca jiitianutaniya. ⁶Pasanaataja marijia shocjonu nuhuaji, cuno querajaa camarucuaari coquetooriquiano na pocoojonura. Naa nojori pocoojonuniquitij, cunoori seetanjuanaa tama nojori sequetoosacarijiaaja nojoriiri na pocoojosacari na niishiriojotusano racatariquiano seetanjuanaa. Naacuatej, pananu muetasamaji muenecara quijia camarnuuri neyatu camitiniutianiya narta camarnu, noo pananu muetasamaji miaquetajaacuara quijia camarnutej. Naa miiriquianoori na jyanishacari naacua miaquejoyaquishaanutaniya naasucua. Naajaa, majaari na jiyanooshaanu quiniutianiya naa neyatu na niquitionuucatej. Niquiorano niquitio-

sano maajiiri saaja mosaanutaniya.

Nataja cojiritiasaanutaniya puecoonujaarihuaj neyanu, neyaca, puetunu na seyajanaanio. ⁷Naa cuno maaji miishaanu nuhuajitij, niquiriyatu niyanujinijinioori pananu muetasamaji miaquetajara quijia camarnu miaquejoriquiano. Naacuatej, pananu muetasamaji miaquetajaacuara quijia camarnuuri na jamaajiaa na tatesanojiniaaco ritiasaariquiano.

Jiyacaritij, miaquejonaa soldadohuari cuno camarnu quijia tiaca tiuquitariquiano tojetaarucujanaa.

⁸Naacuatej, na tiuquitanaa na paraari Egipto jiyajiniara pooriquiano cuno camarnu jiyatesano na pueyasohuarano. Cunoori cumueeca casaajiniji shipinijio-

sano juhua casaa niquishano. Poosaariquianojaarihuaj oro, platajiniji jyanohua panishano casami. Naacuatej, cuno querajaa jiya camarucuaari pasanaataja marijia shocotejonutaniyacuaa na miaquecuaari pasanaataja marijia shocotejonutaniyacuaa na miaquetooyiaquishacari. ⁹Na nuhuaji, pananu muetasamaji miaquetajara quijia camarnuuri pananu muetasamaji muenecara quijia camarnu jiya tiuquitianutaniya juucua. Cuno camarnuuri saaja tama na tiacajiniohuarajaa tacatenutaniuhua.

¹⁰“Cuno camarnu, pananu muetasamaji miaquetajara quijiani, necohuari saniniuujia jyanohua queraatia soldadohua rerejotenutaniya na miaquejonura cuno pananu muetasamaji muenecara quijia camarnu. Jiyacaritij, niquiriyatu cuno necohuajinijinioori tariucua pueca quiyano soldadohuata pananu muetasamaji muenecara quijia camarnu tiuquitariquiano. Jiyacaritij nojoriiri puetunu cuno jiyajinia quijia casaajanaa sesoriquiano. Naa na

miitiuniu nuhuajitij, cuno pojoriiri socua pacuteriquiano cuno jiya tiuquitianu. Naacuatej nojoriiri socua tiuquitiariquiano cuno camarnu jamaajia tia. ¹¹Naa pananu muetasamaji miaquetajaacuara quijia camarnu miishanoori jiyanoehua juaatiriquiano nocuara pananu muetasamaji muenecaacuara quijia narta camarnu. Naacuatej, pananu muetasamaji muenecara quijia camarnuuri na soldadoehua jaatiriquiano na miaque-toojonura na paraata. Nojuajaari jiyacari cuno na paraa shocotariquiano miaquejonu tojetaarucujanaa. ¹²Naa na shocotanuucua na paraatej, jiyanoehua na shooniuucua na paraa, cuno camarnuuri tama na cuaqueyajaaja timitariquiano shocotaja na quiniuucua. Naajaa, naa cumaacaraca na quiniuuri maja puera tarishiriquiano. ¹³Cuno pananu muetasamaji miaquetajaacuara camarnuuri jiyacari socua jiyanoehua queraatia soldadoehua rerejotenutaniya. Querajaa marijia shocojonu nuhuaji, quiojonutaniuhuari pananu muetasamaji muenecaacuara quijia camarnuucua. Nojuajaari queraatia na reratesano puecootaja casaa jiyatanutaniya.

¹⁴“Cuno camarnu tiuquitiaaquishacarijia, queraatia pueyari tamasaca jiyacajinijinio cuno pananu muetasamaji muenecaacuara quijia camarnu miaquejonuucua sanetanutaniya saniniuujia. Noojiaqueyaja juaajiaa miaquejorujuri Judiocuacajinijinioori tii quiniutianiya-juhuaj, jaarajaaja nojori miaquejonura juucua. Naa quiniutianiyaari nio tohuatenura taa quia niquitishaareecujani. Nojoriiri saaja shocojotasanutaniya miaquejonu. ¹⁵Jiyacari cutara, pananu

muetasamaji miaquetajaacuara quijia camarnuuri niriquiano na tiuquitianura cuno pananu muetasamaji muenecaacuara quijia camarnu. Naa na tiuquitisacaritij, nojuajaari juhuajaniya na paraa tiaca sohuacaacua juhuacuriquiano cuno tiacajinia quiniiaa na miaquejonura. Naa tiuquitiasano tiacajinijinio soldadohuari maja quenaaja na naata quiniutianiya na paraa tenujunu, maja nojori miaquejosaanura.

**Jiyanoehua puereetaari
quiniutianiya jiya puequenu
panishacari**

12 ¹“Jiyacaritij, Pueyaso seru cumaacaraca quijia Miguelri tiuquiriquiano. Nojuajaari quia pueya cojuana cutara; quia pueyacuaji tacunajaariuhuj. Jiyacariiri jiyanoehua puereeta quiniutianiya. Puetunu jiyacajinia quijiaa pueya supueyaquishacarijia, jiyano puereeta casaari maja na niquishaanu quijia. Jiyacaritij, quia pueyajinijinioori jiyanooshaanutaniya cutara, noo pojori teyano sesacatucujia Pueyaso nequesoreetujinia naajiotasano quiyani. ²Queraatia macunucuaari jiyacari samiitiaconutaniya na jamacajiniji; noojiaqueyari pueyaracaanu shuquiriaatia quiriquiano, tamasacaari saniniuujia pueyaracaanu puereeta saniitiosocoriquiano quiniutianiyacujia. Nojori caririquiniuuri pueetaaquiriquiano. ³Noo pojori saniniuujia, maninia miiniu niishijiaca pueyatej, canapuetucujia queraatia pueya puerojoquiari saa Pueyaso panishano na miiniurajani, nojoriiri pueyaracaanu nenecujaca quiriquiano. Naajuhuj, nojoriiri pueyaracaanu nunucojua quiriquiano juhua jiya cajiniocua riyaaja.”